

卷五

幼學堂詩稿卷十一

吳縣沈欽韓文起

詠茶花

玉茗延秋影寒空澹着花苔青助幽意雨白孕靈芽插髻
當修竹橫闌憶折麻何時珠琲璫雲脚散窗紗

差比山礬瘦涼蟾媚玉池西風翦素魄老屋映秋眉霜曉
冰花結宵深舌本思冬心寂寥甚只待向南枝

秋聲急如雨殘月冷于霜不寐嫌燈影懸愁入鴈行酸鹹
聊自適通介欲俱忘答颯非英物終年仰屋梁

長示鄭
振錫西
詩卷十一

蠟梅用陳去非韻

鍛師相好且勿誇黃夾纈林散寒葩點酥翦水正愁寂曉
妝滿帖金鑲花倚檐白醉用我法蜂房割盡千丸蠟濃熏
婆律炙雲腴紙窗竹屋春不如垂垂蓓蕾封殘雪一枝壓
鬢纖手扶樓頭鴉黃上初月卻憶智瓊成小別

冬菜二十韻

啖茹貧生活傾家辦未難餽儲翻補空囊算探支殘

施注蘇詩

俗閒指妄想狂鼠壤含霜脆茅檐曝日乾都籃奔竈妾幾

把乞園官芼甲先和清棲菹尙掛竿花交攬臘粥

杭州俗呼黃矮

菜為花交菜釀好共辛盤

齊民要術釀菹者次年正月始作須留第一好菜擬之計

會充常料摒擋趁乍寒下鹽星小沸榨汁露還漫具理

餅

類埋根列鍵鎔

音虔咨鉢類

壓口安金釵芋擘股

士喪禮注齊人或名全菹

為芋荆楚歲時記鹹菹並作金釵色

玉糝濟浮冊

釋名齋濟也

冰齒堪煩渴顰眉

要小酸腹盛羊莫踏

鹽鐵論腹非唐園惟菜是盛

巾漉蟻同攢緩待干

林筍饒須一片肝御冬齊白粲獻歲放黃胖藿食原無愧

齋腸強自寬婪酣酪奴饌耐久腐儒餐滋味尋詩得容顏

索鏡看咬春年事了嚼雪夜深拚負擔求誰益攜鉏力已

殫梅花并細咽晶飯有餘歡

羣芳譜宋憲聖后每治生菜必於梅花下取落花雜之

詠陸稿薦熟蹄二十韻

掩豆嬰猶陋剝干噲亦麤狔簽傳市食鴈檟賽官厨稿薦

衡術法

菊隱紀聞明抄手衡術辛家專煮猪頭內而宮春禁外而勳戚皆知其名 蔣鎮將帥置走馬傳致

陽澆店模

孫春陽家小菜蜜煎意思 燐同濁氏胃點藉賀

家酥

南宋杭州後市街賣 貂炙虛全饋韓羊却胖腴熊消

分沃泊龍具效編苴

稿薦之名 將圈披枿格鮮紅溢竈觚

淺臚留貴骨緩火候申晡琥珀膏浮七瓏璫餒憶爐不須

人乳滷略要杏漿敷打梳涎饗客操孟听嗇夫

東坡食猪肉歌清晨

起來打一梳飽

得自家君莫管 鶴觴隨健步烏翅送神都

周禮注涼州鳥翅又名千里脯

北地持塵面南烹照座隅明燈黯風雪輟箸渺江湖

戊辰歲除

客都下于顧南

雅侍讀家啖此 泛索調青子家風喚酪奴

泛索家風皆武林舊事中語

年年餉臄臘得得老菰蘆遮莫無心炙頻蕃廣額屠穰衣

佳出手侯印足光軀禁鬱分甘愧恩門供頓娛

明史閩黨傳周應秋

家善烹飪每魏良卿過進豚蹄

留飲良卿大歡時號煨蹄總憲 伸眉亦蕭瑟故事記中吳

詠煨鍋

先生未識開爐節敗竈土酥煨楫拙伊公陸氏太酸寒批

風抹月無立適誰將焯兒發丹鼎爨器居然尊俎列銅溝

陷胸錫厚脣鮭菜環居咸附熱黑太陽騰五熟釜小四海

覩百味鉢只憐寂寞五侯鯖野入珍中強排比

入團油雜聲

飯上糟雲

清異錄糟雲謂糟薑

骨董好羹鏘淹雪

大智度論沙門以好羹上佛古書醃

只作一 臠量腹能幾何武庫回湯快流歡卻思大庖安用

此分簽鵝掌與羊舌零星下頓好餽飢胡叟布囊休自徹

詠蜜煎消梅舌零星不融

冥果讀如冥氏之真頭行飭翠荷武林舊事高宗幸張府節次雕花蜜煎一行首雕花梅毬兒又

有青梅荷葉兒江城風雨齒牙過畧無楚楚含眉黛難共森森上

頰渦醉倚羊燈呼撒嚙悄藏脂盞賺厮波釵頭幾見拈青

蒂悵望溪橋雪意多吳俗立夏日女子以簪貫青梅插髻邊

詠南天燭蘇軾詩只恐長生果異器

花坼丁香碎珠凝火齊丹僧房裁處密雀族啁來殘倚竹

暮微雪插瓶春尙寒相思拈不得試解絳紗看

胥口伍相祠胥口在蘇州府城內

水暈飛翼汎黃溝河上歌殘付屬鏤墓槽魂消三戶客越絕

書子貢曰胥執忠信死貴於生宮梧煙冷五湖舟沼吳赤

舌原天意伯越蛾眉與鬼謀莫更揚波騰怒氣姦諛今古

貉同邱貉同邱在蘇州府城內

客惠麀脯一斝

章章皇皇出林叢欲走復顧嗟途窮殺機一發煙青紅擔

頭氣壓雙兔雄君家炮熬按食譜大斝分噉隨詩筒嗟余

口腹本藍縷每愁羊踟圍蔬空披綿通印糟牛尾不啻紙

上談兵戎松花滿山鹿養茸柏葉服餌肌香鬆玉池細嚼

黃庭通可惜郵釀非齋中藥官三牲麀鹿葛洪言麀鹿無魂故道家

不忌食也清異錄仙人饜飫承家風欲扶詩骨招衰瘵招

同興酣便學曹景宗生飲其血投雕弓圍場割炙呼君同
一笑蘭語亡是公

分詠吳中古迹得鶴舞橋鄭虎臣宅

磊落西班牙號半州花橋水閣錦纏頭
閨燈鶴舞閨門夜偃
月蛩吟葛嶺秋天水碧消炎海漲太師青
結遠山愁木棉
菴外妖狐泣乾笑朱雲挂屐緜

糟裙帶魚

若箇湔裙斷際羅也隨算袋化江波當風練帶吹青蜃飛
雪銀刀決白鼉狼籍不教燒尾掘鯨吞可仗倨牙磨尊前
強作溫柔思略藉糟邱風味多
此魚在昔未詳何名太平寰宇記惠州海豐縣有鋸

魚南越謂之狼籍魚身長二丈口長六尺廣三寸左右生齒如鋸鋸據此形模則本名鋸魚也其頭可憎其尾可笑故有五

韓蘄王墓歌

嵌巖一片撐蒼冥蛟龍欲攫呵奔霆錦裘繡旗今寂寞摩
抄伐簿莓苔青觀縷一萬四千字尙嫌巨鐘撞寸莛昔年
淮泗雄長城千載亂山拱巨屏削平羣盜如芟艸山河帖
受除町町詩傳墀除地町町者亦見王克論衡只恨兩宮淪雪窖背鬼親鑿
虜血腥烏珠膽落江中冷擊楫自醉金鳳瓶未能直抵黃
龍府猶幸不入風波亭翠微坐老髀肉生武林紀事世忠周遊湖山而于
冷泉亭尤多盤桓又建亭秦頭壓日眼中釘旌忠不判格
不飛來峯之半額日翠微

天閣炯炯虎氣埋幽局閱其六年公道明樞府頌格儒臣

銘宸翰淋漓選德殿中興第一昭日星遠追漢唐兩忠武

可惜限此小朝廷牧童不敢鬻牛角電光礮礮麾山靈碑

礮礮流瞬目光如電押衙翁仲亦破碎龜趺滑澁掛蜻蜓峴首何用

雙涕零袷享改步荒宮庭此碑終古聲瓏瓏茫然欲讀不

能竟吹面北風言塔鈴萬四十字尚無三童童七童昔

圓子二首武林舊事節食所尚則乳糖清朝尚口實雖

首節開笑靨圓子又御前泛索有笑靨兒未破牢九質地肥筵漸搏春

無餽飴風陸劍南詩白注云冬餽餽年餽餽

蘭簇復出撚尖玉參參捻頭珠一一漉湯浮白膏調七沁

石蜜搓酥紋帶螺挺金字成吉俗又捏為泛數逮僮媪喧

呼劇梨栗歡喜投鉢盈大智度論佛入宮食時耶輸陀安

樂釘盤溢今有安樂菜蓋膠牙祝堅凝婪尾任真率乾糕

已饋歲油髓同饌室貧家得晏起冷厨難究詰卽此是朝

餐欣然散書帙文韋樂笑賦詩笑

玉塵沃雪付湯官佳識團圓舉室歡范成大集紀吳下節

尙待春歸侑春餅不緣冬住薦冬丸廣東新語冬至

消夜無常供玉臺新詠徐君蒨同內人守歲粉荔迎年又

傳去聲餐自笑家風真瑣屑不知克食幾牙盤周必大浮圓

雜詠附此說家風日戲太平戲良絲絲言妙蕙之意

大除日過太平庵見綠梅有破萼之意係枯而復榮
者賦詩示僧補拙不賦京食然不盡

僧房小梅龍生意向坎坷一籌此稍讓桃杏放如火東雷
動幽蟄細蒂黏磊砢戒香偶輕擁雪艷猶深裏畫手未能
傳春光早帖妥紙窗隔橫斜燈影巧鉤鎖軍持晚烟分團
蒲殘月墮忘情已安禪索笑如待我正思淖約仙玉鈿鬢
微鞞窮冬見苦心疎枝綴小朶芳菲志不售酸鹹計亦左
默然三摩提坐夏得初果

鏡聽詞

野雲戲罷掩柴門燈火星星出遠邨約畧豐年多好語一

盃白酒喚兒溫

杓盆已種火楊梅鄉里相呼勸一杯聖得紫珍傳此意不
須風雪上燕臺

明朝便唱連珠塔此夜同分百歲錢不把癡狀輕賣卻消
寒詩更續新年

顧沂養虎行 并序

沂直隸通州人乾隆庚寅舉人負氣概有殊力選授成
固縣令邑患虎沂手捕之赦不殺虎遂弭耳為家畜沂
亦昵之寢食不離每坐衙虎伏案側囚有抵欺者侯怒
虎亦怒液液欲搏噬囚破膽吐欵調禮縣時逆賊王三

槐犯隴右上官素不喜沂與羸兵百俾餉官軍天大霧
誤抵賊營沂已無奈何則揮刀直前虎亦吼躍助勢賊
大驚以爲神人一營奔亡蹂踐死無數沂乃從容押綱
去久之虎被毒死沂深嗟歎未幾亦卒錢塘馬太常履

泰遇成固人道其事屠明府倬爲作傳余因作詩云耳

顧侯執虎如執豕虎習苦手惟搖尾顧侯養虎如養士義
心感激共生死虎雖異類媚養已侯乃相畜同兒子懸齋
清寂如僧廬虎代徼巡呵戶奴掩閤榻前恣鼾睡坐衙案
下雄牙須猾吏奸民敢作態奮髯一呼首立碎此虎爲人
業鏡臺警爾惡心生輒悔侯經捧檄向秦州虎亦隨車望

隴頭羸徒瘦馬輓芻粟蒼山莽莽旌旆愁干槍雷動蚰蜒
溝賊喜送糧爭唱籌顧侯揮刀如自雨人頭漉漉秋葉舞
虎憶深山氣始吐聲殷壞牆僵萬弩生者奔逃死撐拄侯
是神人虎神虎顧侯從容驅就道虎躍馬前喜一飽官軍
割級徐奏功侯策虎歸同臥藁侯亦終無子虎亦難易主
一朝先驅簡百鬼迎侯遨戲仙山去嗚呼化權馭人猶不
易何況馭虎如家隸杜德郵亭空醉眠梁鴛牧官闕絕藝
奔戎自夸生致之只惜童恢非健吏顧侯萬里封侯相區
區一宰意翫麟虎窟得子神稍王電晴鋼爪屹相向跨虎
躡風不悽愴枝江祠下擁前騶虎樹亭邊繼高唱王逢梧
溪集題

虎樹亭自注云宋聰禪師住華亭時有二虎噬人師降伏之命名曰大青小青師卒虎亦死弟子瘞之塔旁踰年生銀杏樹二今主僧隱公

送窮辭三十韻

與我周旋久誰云亡是公無顏復迎富作勢不留窮往昔緣疎俊生涯致篤癡面柔原切禁聲感遂從同質的張辭
駑芳香播卻叨廣雅鍾謂之叨子松矜彊藥小鷓炫殊翁訥口當
羣碎剛腸發衆蒙自然遭坎坷至竟被倥偬抵隙旬休沐
知非日省躬辛酸節衣食丁倒甚盲聾祛瘡來還間扶醒
起復中人應無此客帝或啟余衷幸鼓翽遊興休忘醜毒
恫息肩寬做邑傾蓋遇宗工垢膩蠅聲逐腥膻蛾術通交

情真墜雨歸路向闌風莽蕁西山蕨薺楚塞楓聚搏營

鬼窟西山經槐江之山有窮鬼居之各在一搏郭云搏猶脅一作搏東伍佔神叢仿佛形

魍魅嚶嚶語蟻蠓膏脣雖布穀馮衍書口如布穀掩耳在飄蓬寂

寂拚庭宇佹佹揖遠空書殘判飽蝨酒熟聽生醪葦戟施

門嚇桃符靜室哄分張共命鳥嘆喏可憐蟲田果虛名狗

尸子田果命狗曰富孫樵暗罵僮米花熬膈膊麪蘭捏玲瓏頌歲祗

常態薰天未最功遼史人日俗煎餅食於庭中謂之薰天宜春聊塞白如願

敢餵紅塩撒堆休撥元遺山集送窮云煎餅虛拋塩撒堆柴查火已融吳俗送神

用冬青栢子柴查字見管子三彭相死守更仗筆端攻柳子厚有罵尸蟲文

薄餅十六韻

輕羽銀光拂重羅玉屑飄穰衣黏糝拍麩杖起漉調緩火
排行竈輕雲抹短鈹繭繅盆手引紙皺竹杵挑細牒勻雞

臘分乾雜韭苗

釋名分乾切豬肉

吳庖頤莫朶倉食指難搖裂緣

嫌皮厚充虛免腹枵

通鑑唐宣宗時中官過硤石縣嫌餅黑鞭驛吏

見齧齧齒牙驍四片真宜破雙弓尙待澆倦遊行店想粗

噉舊災消爛飯韓公送中厨庾闡邀紅綾燒故尾綠肉卷

新臚五福逢誰煮三籠買未焦乞兒空有願畫地最無聊

力士鐺期擗

北夢瑣言王蜀時有趙雄武者號趙大餅每三斗麪擗一枚大於數間屋

文侯印

趣銷覆巾從上揭若箇說寒宵

青箱雜記諺云薄餅從上揭

題徐有貞傳

并序

徐有貞傾危織人也乘隙抵巇攘取大位殺忠臣以爲

庸如蝮如蠍含毒非一日矣身亦幾陷大戮不以善始

固難以善終砌齒牖下何其幸歟當時公論雖明私議

成黨有貞旣沒祠宇巍峩洵以爲鄉先生也文林著琅

邪漫抄遂誦言有貞再造之勲詆于忠肅大逆當族欲

以一手掩萬世之日愚乎知乎載觀龔明之吳中紀聞

敘丁謂始末數百言儼然一名臣昔建安袁樞分修國

史章惇家以其同里宛轉請文飾其傳樞日子厚爲相

負國欺君吾爲史官書法不隱寧負鄉人不可負天下

後世樞之心真不愧春秋義矣若文林之徒何堪簪筆

在人主左右哉

竄名夾袋起治河不記南遷班列訶富貴逼人前捧日功

名與汝後操戈一宵隕雨中台圻幾日凌烟側弁俄

有貞謂石

亭曰願得冠側注從

兄後遂封武功伯 老去此心消不得鐵鞭舞罷擊壺歌

觀音峯

在花埠路旁

不墮宣和浩劫間只羞黃帽蓋孱顏飄茵墮溷尋常事莫

入朱門號血山

太牢甲乙真癡絕一片嵌巖未許鑿

牛僧儒以太湖石爲甲皆有鑿題見白樂

天瓦礫堆中忍三昧海枯石爛是何年

雪中登靈巖

疑雲黯宙合積雪開山暉林嶺閒葩繡川原動霏微漸壓

松梢折久佇行屐稀那知窮簷成自覺塵世非湖波曠望

濁寺鐘傾耳希迴颺撲簌集落霏凌亂飛暝色赴墟落冰

柱垂荆扉荒灣橫漁艇枯椿沒釣碕峭寒不可住卻羨山

僧歸

冰箸十八韻

待伴嫌春雪三朝滴未乾葳蕤鍾乳結

范成大桂海虞衡志桂林洞鍾乳如

冰錯落水精攢影並銅溝坼聲輸鐵葉酸稜稜裁玉骨寂

寂泣珠盤箏柱琤琮聽簾鉤滉漾看當窗窺鏡近對案借

籌難展卷行能映抽欵股試彈朔風拗半段初月鈞雙竿

呵凍承非溜，餒膏勸可餐。畫叉挑遠幌，翠袖數回闌。香篆

縈疑濕，饑鳥啄向殘。投籤宵自警，敲杖暮還羣。野馬浮光

觸陰虬，蛻甲蟠命題。詩膽大傳玩，粉娥歡開元遺事冬日雪霽寒結簷溜

皆為冰條妃子使，侍兒取玩帝洛澤。喧童子蒙淞怕，達官

晚朝回問之，答日所玩冰筋也。唐書寧王憲傳，旬餘羶瑟縮尺許，涕洟瀾王褒僮約鼻檐

樹稼達官怕。宇憐他，傍頭銜似我，寒黃綿窮巷，被共慶陷冰丸。

七姬墓

張羽權厝志程翟徐羅卞彭段七人段年十八其先死者也案程基夷白齋集有群珠碎

傷吳帥潘元紹衆妾作卽此

羣珠碎向石家樓，陌上香車影不留。紅粉君看終一曲，黃

泉身試待千秋。桃花雨急催笳管，菜葉風乾弔髑髏。楊鐵崖集

金盤美人詩注云國亡粥粥幽禽呼姊妹，虞兮小草獨含

愁

題葛賢墓

在五人墓旁

繫獄五人前，結廬五人後。吳民無私讎，貪吏戒舉手。

太常寺卿黃子澄墓

在崑山事詳蘇州府志

秀臺冤魄草猶紅，石闕依然攪穎蓬。誰道却秦惟趙括，最

憐安漢繼鼂公。魚鱗尺籍遺孤保，瓜蔓參夷幾族空。為問

火燒頭處所，秋燐點點泣西風。

喜撰注韓文公集畢狂言寄董琴南

仰秣摧老驥，避風憂爰居。端坐但悒快，典籍聊容與。愧非

著作材難啟秘府書昌言有忌諱理道良齟齬不能效揚
子鉛槧歷計車不僅辦景純細碎注蟲魚古人亦有待文
句快爬梳末光附日月力嗇開畱畝韓集向千載末學何
紛拏襤縷或露亶姦黠稍伺狙患厥絲棼類懼惟蠅乳胆
孤陋竊搜討紙墨綴襟裾始如觀上國口角銜不祛繼乃
汎中流心津曠匪且得閒解迎刃漸佳倒啖諸軋軋縲抽
繭汪汪水決渠玄怪搜象罔荒穢嚴誅鉏百家篇什證一
代典故臚譬諸擁天府生物姿畋漁暨乎被法服雜佩輔
瓊琚諷籀魚喁噉披撻狸胥疏么磨刺棘猴冗長書券驢
寒暑三時歷卷帙束素如自娛豈不可時論其舍諸緬思

傳注體表道賴揭彙鄭公治六藝卓哉龍文據萬象錯星
宿至寶陳璠璣選樓佐鼓吹夏屋撰殺蔬誘倏知雅訓張
郭雕麤苴妄庸劇師古作態覩夔臙肆扞臂畧兔園弄
口噓流弊沿宋派空卽鼓呶虛咨余不畏難偈偈厲磴礎
身名兩靡顧抱道思懸閭窮愁若方寸黃菌烝螾坦好手
夸贈鯨反脣笑牧豬一飽劫老蠹五味嘗莖蕘繫賴同心
子揚摧時相於借書滿鴟籠載酒尋蝸廬趁趨驂之靳珣
拖臙與餘蘭芳撫謝覽膩汚揮劉輿吾聞爲學要訓詁猶
箋餘曠覽必至巔歷塊蔑彼咀樸遯弃繩削碧盧屏藏儲
通川併細流張楚吞羣舒暫鈍師文柱久驚梓慶鑿

莊子音義

音據循文乃虞字之借不當作據音今借為平聲操劍追形影斲輪應疾徐心燈

明無盡意珠篋孰肱古人傳著述來茲益才請混沌不鑿

破何異結繩初吾實媿貧薄筆札艱鈔胥弊帚欲緹縉覆

瓠能欲獻夏璜豈無考蜀錦亦有柳幾幸貽百年那復阻

堂除格如享廢社不必當精精作詩亮非詭負蹶期駉驢

齋中開並頭蘭

采采春猶晚遲遲日共熏鸞釵眉葉鬪燕翦露華分結念

雙紅豆緘題三素雲本來空谷賞無事叩靈氛

辛苦書窗下芸香疊萬箋幽花宜獨笑綵筆引雙煙春入

莓苔徑人當憔悴年天涯碧雲暮衰鬢愧差肩

春盡有感二首

還丹幾轉却三彭信貨窮年滯兩生懷舊庭隅猶下蜨解

交林外不聞鶯相忘自足江湖趣永矢長留金石聲畧歎

華亭老船子饜頭空倚髻珠明五燈會元華亭船子和尙高蹈後得夾山善會囑曰

他後但向深山裏饜頭只恐宵闕外益壽好民物共谷邊覓取一箇半箇接續

買絲只欲繡嘉賓抖擻輕衫尚市塵我法孰從我與我人

心難測人非人飲河易滿東家賤相馬難肥北郭貧一

鶴聲從掩取葛龔名姓豈沈淪世說郗超每聞欲高尙隱退者輟為辦百萬資并為

造居字嘉賓超小字

立夏日宿石鼓山寺琴臺玩月歸坐山樓四首

萬松撼哀壑吹破雲臙臙綠陰瞰無地鬱鬱磨古銅鬚鬢
薜蘿暗生獰犖嶮雄此時羣喙息氣吐滄江虹好春悵不
留遐矚迷青蔥那知萬家夢空外烟濛濛層波翻石皴拔
足生長風露氣亦逼仄眉頭稍沖融惜哉脩月戶挽強未
滿弓流鈴落梵唱火馳理詩筒市惠天劫應公非與其人
山樓雲已宿佛香閒與裊只愁宵漏促益憐孤月皎牝谷
散潮音蒸嵐濕林表僧舛四壁殷詩思一燈小分籟作秋
聲墜籟時接鳥猶疑硬雨來蔌蔌戰林篠長廊破人影試
問風旛擾青圍虛白來綠鬪殘紅少清激晃湖光突兀棲
煙杪高吟興未闌強韻試再挑

山月未渠沈心兵鬪寸燭檐際拖斜光畧似霜華屬鈴鐸
喚微風瓏瓏簸寒玉峭聳嶺頭明茂悅牆陰綠遶山螻蛄
鳴出林蝙蝠觸鐘動僧寮警雲洩泉脉續修鯨萬里波應
殼一丸浴杳然采香人紅心逗芳躅佛古毫尚光衣禡肌
微粟呼酒倘重看詩債償豈足

四更月種黃莓苔謝勤踏垣衣映棲苴僧嬾不收衲孤峯
忽趁人鬚鬆笑古塔輕行叩疎寮小語怖栖鴿文字芳鮮

尋肝脾沆漑納悒悒徒傷人華年僅數雜

文子數帀之壽淮南作數雜雜

與帀同取其新者

新筍咒養胎病蜂噓戀蠟要當結佛夏未肯枯

僧臘惡客太癡生曾不溫繩榻坐待金盆傾寥天俯仰喀

立夏後一日過無隱庵贈涵虛上人
叩門筍解籜開石澗分涼初夏落花竟小亭穠翠當風偏
移綠影日正炙清香白社少緣結留題墨數行

自靈巖山脚抵天平山道中至無隱菴題壁

亂山如浪打頭來兀兀籃輿穿翠隈一路松花兼竹粉更
容顏脚破新苔

道人手摘青梅勸俏醋能添詩語妍絕景此間留一席十
年參破木犀禪

范園聽鶯閣新綠

鶯催春轉綠鶯老綠猶新一帶樓臺間幾番風雨皺沙隄

工試馬岫幌近招人飛絮波流盡樊川獨愴神

歲月悄悄老林泉疊疊新都將粉蠹洗莫要陣雅皺澹池
安禪客惺忪載酒人青蔥四時在應問主林神

詠貧士貧女

孤雲蹤迹向高秋百甕黃齋拚到頭堅守殘書待兒讀嬾
懷短刺望門投沾脣只待青田核果腹虛誇日及牛若問
葛洪家具在等身著述遣窮愁

荷衣自疊女兒箱遠近南山對洞房戲糝梅花朝作粥新
研柏子夜添香畫眉刺試甘泉瓦寫韻全投古錦囊乾笑
浣紗人一去綺羅叢裏送春光

種蕉

分得半窗綠稍嫩
鴨脚莎送春花影
盡入夜雨聲多自覺
須眉淡能調筆研
和幽居悉相稱老屋
更牽蘿

李德裕

五朝遺老話窮愁
一品鴻文抒壯猶
裴令龍鍾勲業繼
霍侯芒刺禍機投
平泉草木窺妖鵬
東閣衣冠化豎牛
直到庸奴畏精爽
蒼生洒淚望崖州

牛僧孺

同河朔賊耐官軍
鍾乳金釵送老勤
鴻鵠難邊新氣勢
牛羊厯上舊知聞
南遷互署鸞臺勅
西望偏傷玉墨雲
賴是

平安杜書記沒身贏得好碑文

秋旱謠

阿翁幾年飽白粥
五月插秧雨亦足
那知赤地過三旬
軋軋桔槔聲似哭
縣官遲回帖屠戶
猪羊銜刀不敢呼
去聲小

兒折柳鞭旱魃
貴人召殃賤受罰
汝儕亦莫怪縣官
誰能

飽煖勤生活
龍舩過戲場
忙天公罰汝汝思量

書宋文鑑二首

睿思殿內傍爐薰

聞見後錄神宗命中使以通鑑至政事堂每葉縫合以睿思殿寶章睿思殿上

禁中觀書之地也

步出迎陽講讀勤
初進御命于不奈晚生輕折

洗欲愚黔首效商君

謂綱目不奈晚生輕折

溫公猶自遭嗤點新安朱氏謂溫公在費精力作通鑑何況東萊繼選樓朱氏

日伯恭承當此事何不發明人主之學其意殆欲專取道學腐語而經世文章不必采也嚇取兒郎書

盡束清談高座保金甌蘇軾詩合人君思賢章睿思與士

書元史伯顏傳

毗陵義血貫胡塵檢點遺黎僅七人堪笑東陽醉學士伯

顏猶得比曹彬賈人皆然受賜文符亦莫到滿城斷屠復開屠得非

重秋早謠

蹋塘車渴烏雷轉卷魚蝦社公流汗河伯呀太湖當復揚

塵耶塘車蹋縣官請雨真無法窮檐怨氣日吁嗟祭酒巡

壇應幾市自冠謙之以前皆稱道士為祭酒見法苑珠林滿城斷屠復開屠得非

公事假公厨官人強為民菜食民未飢荒官已瘠楓橋米

價盡音進擡估穀賤傷農語自古今年開倉循舊章不加升

籩十當五連年官清民亦樂偶爾偏災詎為酷老農安分

甘枵腹倉吏何憂食無肉蘇軾詩山東西出賣酒喜新酒

三國新樂府廿二首

五色棒

閹官孫帶銅臭啖治葛結黃綬鍛鍊凶心試毒手天下梟

雄徐入殼西園錢導行迴北部尉傳呼來三尺劍光芒滅

五色棒威風烈清吏來負等誰問何坐持法誰問書少

高帝杖督郵魏士辛儻對一場不舉武異舉論言第

高帝子孫淪匹庶馬上辛勤博一尉不舉尤異舉謠言聲
 沸鄉亭督郵至都吏來負弩驅監司坐執板趨詔書沙汰
 亦職耳持面相輕一男子爾孝廉爾秀才中官一笑玄纁
 來亂天下者由卿儕從汝縮頸教汝袒背鞭之見血文無
 害

孫郎至江東

孫郎至江東歡叫袁公憐孫郎死江東雨泣曹瞞喜孫郎
 美若留子嗟娶妻正得陰麗華豺狼戰命橫江火花柳迎
 暉夾道笳天意蒼芒思英物腸斷吳門古朗月剩將家寶
 投青蠅孫郎只作劉伯升

重門宮

濁鹿錮重門修汝亦來耶哈董侯濁鹿開重門封汝不急
 去逢賈充梟聲滿殿芳當廢母子生離情無氣直牽狗脚
 朕登車不待華歆了此事龍鍾癡叔淚頻揮苦記先公抱
 頸時兒孫誰保無豚犬生子當如司馬師

臍燈

董逃來青門道嚼復嚼千里草歌布乎太師倒十斛灰腸
 胃漂脂夜妖臍燈照明光官廷奏事早滿城燈火臍中好
 李催來今年鏡出續五行志今俗有此語剩釵釧罄酒肴飢民白骨無
 脂膏嗚呼賈詡救命之計耳青燐百萬空城燒

天必雨公曝市雨不效公應死強梁咀吞弱者瘖蒙以惡
名苦毒深太虛赤日照公心公如不臣乃降霖瓚也欺天
便了快天奪其魄無遺類不然與袁亦強對關靖催死易
京樓田疇僅賣盧龍塞

李催凌藐躬二袁勃公室不能相捨復此人性命自知在
何日衣帶詔密密縫左將軍天下英雄惜哉窮涸如困龍
平世三公但瞠目可意兒耶鬼伯促作詔板封阜曩黨人
死盡誰承當陛下少安幸後亡彼人自比周文王

縛虎急

飽鷹颺饑虎縛忽袁忽曹反乎覆待諸將婦原不薄千誤
合成一大錯縛太急難轉肘不早相從致公瘦使布將騎
公將步天下何容有殘寇玄德卿句一辭丁建陽董大師
俱落虎口他可知耽耽無奈大耳兒搖尾曾不蒙憐思馬
中赤兔人中布畏死何殊一老嫗斑斕其皮質乃羊公臺
命衰爲彼俵

五斗米道

大賢良師神止使三十六方同日起舉頭不識蒼黃天漂
血方知鯨鯢壘亂氣塞空通鬼道蛾賊水消米賊飽平陽

治鹿堂治二十四治三元九府閃靈旗不侯不守不君不
師齋客羸糧流汗馳生人白日遭鬼迷真方却有房中秘
偷得浮屠喫飯計嗚呼漢亡其決矣君不見周孔詩書禮
樂衰衰區豈容罷女與罷士又不見商韓六蠹五蠹痛芟
除其歸慘刻少恩紀何處更求五斗米

寄當歸

劉繇心肝死又死英物無施月旦里寧識神亭擲戟時遇
孤方是卿知已子義捨孤復從誰七尺劍光戴天子江南
卑濕易物故眉壽只容張子布當歸寄續命餉孔公拂席
傾家釀伯約有母不遑歸况爾出身遇明上

百尺樓

湖海士尚豪氣君言豪寧有事自臥大牀客下牀落度都
無主客意僅此耶笑撫掌如君所遇猶殊獎當寢君於地
自臥百尺樓上世亂求全理非錯作田舍翁不為惡吾恨
元龍鑒識疎齒牙尚有華子魚

黃鬚兒

黃鬚兒不中博士好為將好為將長劍踉蹌翁龍障血漉
漉桑乾歸黃鬚兒竟大奇呼我黃鬚無不拔貽世子世子
摘若領底髭刺刺促促送歸薨里逝者如斯生者長嗟咨
百五十老兵稱妮藩國儀兄弟日瘦他人肥叢叢鷄栖有

蟬翳忍死呼來司馬懿謝只與日與人與幾幾幾

饋空器饋空器

驢非驢鵠不鵠噫苟生成大錯傾倒老姦囊底智更與誰

人論名義魏王魏帝自為之何等腐生持駁議懷異心饋

空器彼見幾能自斃此意分明示公等陳家小兒真首肯

謂陳謂陳嗟哉仲豫邈難並謂荀悅漢尚書令魏元勳何不早隨

劉使君

借荆州

借荆州進取計方作書筆落地老瞞惴惴幾無氣豈知連

鷄不並栖疆場細故膠漆敗鄴宮高拱降表至借荆州短

魯生奪荆州推子明終身不悟非人情阿蒙麤材何足齒

車騎將軍洵貉子

戰赤壁

水步八十萬先聲警南服幾疑天壤盡劉琮不識江東有

魯肅何況周郎替孫郎郭嘉不死敢披猖東望夏口西望

武昌投鞭不為筏積甲不為梁江濤奔騰雷戰鼓南風猛

駛投烈火八十萬人點鬼簿猶笑劉公計不早從今敢出

華容道只向濡須相

讀若

持老持老

陸秀才

舉秀才不知書周孔復生盡破除軒一輕隨清濁文武

全才天下服拜州將揖吳王茂才孝廉抗顏行惜哉充庭
隔清晏四百餘年以此殿大喬破顏一笑無果是女夫繼
我夫捧舉狀歸玉帳科名正出兜鍪上今日兔園冊裏求
將相庶人八十萬人想思舊醉笑豈不信不早發今出
瓦昌姓武擔南并蘇甲不爲果正爲奔雷聲鼓前風
我漢陵夷至亡闖人竊弄紀綱忠貞盡伏刀鋸濁亂上干
穹蒼兆民血染原野萬乘命懸強梁孝愍孜孜求治曹掾
恣睢亂常矯命力征所惡害賢植黨無良殿下奔播在外
子丕盜有神鄉恭惟漢德深固殿下同祖景皇方今神人
乏主四海歸心遑遑名字披圖按牒幽明告瑞呈祥臣等

不勝大願除地武擔之陽奉上皇帝璽綬吉日膺祚無疆
竊幸攀龍附鳳謹進萬年一觴

加九錫

新朝外臣應褒異顧念此人更嫵媚歌鍾路馬形弓矢法
物猶然漢家製不作三公加九錫版補天子無多日家私
賣弄本兒嬉凜凜張公方正色解嘲聊爲卿等言張公囁
嚅噤不前轉眼從車豎豹尾此物迴與公孫淵

輔後主

孝直死虜亭敗荊州覆沒上庸攜錯事紛紛不帶芥佐英
雄主避其礙養全材受大事主少國疑不屬爾先帝以臣

謹慎致太阿出匣始斷制忠信既孚示直枉方隅內靖專
外攘負圖規局堪模做嗟哉元遜亦託孤不繼家風身首
屠孫劉優劣本懸殊

死諸葛

生諸葛當旗鼓死諸葛誰跋扈諸葛如不死吾屬且為虜
料生不妨巾幗舞料死何敢赤舌詛諸葛誠死矣天下奇
才無如我老臣無心逼富貴孤兒寡婦別處置殺王凌殺
曹爽疆場清謐當塗喪天遣武侯早捐館努力加餐急謀
篡

收成濟

宜免官 干寶晉紀論 有免官天子 忽輟肆謂我何塞謗議斬賈充思其
次無宜適收成濟殺一真龍償一狗濟乎寧知當死否王
經母子飲歐刀文籍先生印如斗烏虜劉聰劉裕為屠伯
晉祚靈長血狼籍

譙周謀

伯約徹圍引黠寇譙周勸降斬宗祀智勇何關吃老公人
謀不臧坐至此孱主庸臣偷活計傅巽劉琮誠兩利魏朝
若不裂土封請至洛陽陳古義古義如不振肯將鼠首殉
不見秦子嬰終作道旁殪陛下安樂公老臣縮侯印識時
務者為英俊諸葛郎屍行陳北地王身灰燼小兒血氣非

儒訓 爲其對前嘉源氣計刺水此王良刃激小泉血氣非

不原休洗紅二首 歡笑顏對不安樂公待出餘刻印臨執

紅澆不可洗勸郎愛好着顏愁不復韶教妾所持藥

一洗一回退一愁一回老郎愛退紅衣妾把蛾眉掃

白除游樹良無燕驚風博斜神宗師啓更何關此字公人

驚風結

晉插靈其血與鮮

盤母下增過以交蘇夫主甲叶平息氣隆顯隱谷爲觀自

六無宜殷效太微好一真請賞一飲齋平寧味當汲否王

宜與官下實管味前 恐難製請并何塞新蕭神賈亮思其

幼學堂詩稿卷十三

吳縣沈欽韓文起

贈嘉定潘望之

六年屏陋巷櫛豎爭席登賢豪閒何闊鄙倍吸習增念昔

未聞閒虛中咸有應猷州包十五向我累所譴言子攻經

術湊學鉏荒芳文章復秀拔軒軒鵠赤鷹少知謝仲子博

見疏武陵萬折到江海一哈知淄澠說士甘於肉腹枵羞

殺烝疲曳欲持謁肯輸健步能練塘明撥權滬瀆腥起昏

此邦實清粹前輩綺麗騰巨料先惠訪蓬藿深鞠轆孤雲

適何許老眼摩未曾令子悵然返黃蜨送菜塍展轉阻良

會俗物連臂扔我思渠有釋柔腸交鉤絙子才寧暫滯利
鏃穿縞繪詞源傾試席儕類空瞪曹崢嶸得解副探驪慊
奇肱豪端猶鬱怒餘采天半蒸巖處固竊喜佇眄摩霄鵬
雄兒覷壯歲致身百萬層又聞傾乾蔭庵廬阻賓典包君
良齟齬開口應且憎奇璞屢遭別刺促羈行滕只恐殘牙
齒無時燄紅綾吾道終貧賤此志長殘歿小人或負乘生
棟貽撓崩散材余自量儻罷甘聲稱服賈居未積作佃力
不勝懦痾號爲儒數慢庸止丞哺養八九口拮拾勤趨矜
推机忽忼慨淫淚垂檐水寒貧翻有羨日給廩四升夏糧
幸未罄露直披鬚髻齷鹽享文史敦敦苦行僧比鄰偶剝

啄圖表牢緘勝把卷宛相識玉宇熒冰凌風廊颭篔竹雲
磴挈虬藤據槁契天籟琅然瀉清澄善心寧無槩高張大
弦拒師文趣自得謾茂語莫承庶幾洽警欬遲久解結瘕
舉世惡俊異排退振長繩我貌得麤犢所守財和膝豐狐
誠有罪羅鷲何用贈求全抑脛脛吐欵孤仍仍子歟獨委
意焚輪破蒼蠅緣知曹邱說未面慄已膺相望過雜歲月
魄幾還音患恒涼颺動秋序吳山獻峻嶒畫手臚數輩酒徒
分兩朋堂榮爛典籍湖滄鮮藕菱雙鳥試合并一笑掀眉
稜園徑幽曲造寺樓高俯凭倘復攜琴均嘯傲天闕乘娃
草助鼓扑胥濤舒憤馮塵榻况可拂聯吟挑寒燈緬惟舊

伐木態殊車與簷薰蕕所染水炭憎是凝後來彌傾軋
映動股其競千言不及義搖吻隨謔俾蠹沒於古尚媮濠
綦彼懲噬肯抒悃幅查查靈鵲徵

雙鳥誌合共一笑無言
住吾與庵朝霽借無逸遠塵兩比丘東蘿茂才遊支

意文碑 中峯覺海華山法螺諸精藍用宋商邱韻

秋林鑿夜雨葉葉響無停泉脉稍通筧嵐光新發砌雲貪

古寺寂竹拒遠山青拄杖頻來往僧扉可不扃

春筍兼秋桂深藏支遁居行鞭掀石透撮米點苔疎籟響

鳥驚是房欹蜂棄如一塵氓志畢生計足案獻

因樹亦爲庵水輪大未含 覺海庵古桂大于華山地烟梢甚偏側軒窗皆倚樹爲之

榮古篆茶面皺輕嵐嶺勢枯禪度詩材犖确參打頭山果
落蒼鼠善幽探

邱壑渾難勝文章底用傳山從禪窟定人在佛光妍香澹

雨滋桂翠乾池圻蓮蒙叢掠綿羽啼倦亦思遷

蹋遍松篁影僧廬石腹閒喫茶多亦倦炊飯熟應還律翠

青浮閣澄渟碧抱灣宿田翁刈了今歲老農閒 山下秋禾經旱皆死

云刈之堪

充牛食
雙桂 并序

僦屋三間庭有老桂二株栖止其間六載未嘗暫離也

歲內當遷去着花甚于往昔而淫雨連日不解余亦目

痛禁酒歡情都廢念相依之久著書覓句多憑藉清蔭
霑拂香霏寧無戀戀

苗青不霑一滴雨桂香方恣三日霖老慳饒取農子怨風
景慣殺幽人心三間老屋逼窮巷婆娑雙桂歲月深總角
抱書已相識花時上樹拗滿襟閱四十年重俯仰樛枝偃
蹇肥苔侵左圖右史席其下搢頤往往移庭陰月掛團叢
射燈盞風吹病瘳撻弦琴六載著書為爾住三秋賒酒對
爾斟今年知我欲決去不惜萬斛堆碎金竟無晴景聊歡
賞可知奇數常嶮嶮檐溜逞喧殘馥掃目淚助虐雨睫淋
淮南招隱定何處平子寄愁難重尋縛板為樓亦兒戲端

遂揚黼供清吟

明史隱逸傳揚黼庭前有大桂樹縛板
樹上題曰桂樓偃仰其中歌詩自得皇

天早放白日出穗乎零落漂蹄泔

卦卦中秋日泛太湖玩月定昏月蝕既

船頭月未缺杯底水無涯遠黛澄波色秋眸醒露華魚鱗
吹極浦鷗夢接浮查兩鬢驚衰颯秋風舞荻花

桂枝落詞四章

并序

桂枝落者沈子感芳香之消歇念人世之有涯追數亡
友代為楚些皆才高命薄不登華皓已傷薔落悲歌當
泣蓋有旨焉存殤之情別見篇什者不復敘及
桂枝落兮悽庭戶遡窮秋兮心獨苦氣寥寥兮薄涼颯天

曉曉兮淮夜雨思我友兮結淮浦竦長身兮今何所生無

秩兮死無兒壙升年兮夢儀之我方壯兮君早衰我學成

兮君不知之涕漣瀾兮攬桂枝錢布衣履坦 毘陵陽湖人

桂枝落兮秋氣深慙不樂兮歲晏陰山澹澹兮水淫淫蟄

修鱗兮號霜禽我遊關中兮哀獨吟感夫子兮激同音別

素書兮清淚凝佇西風兮隔嶂阪傷瘦骨兮投薄宦蜀山

萬點兮孤櫬其返攬桂枝兮心沸涪周贊府為漢 東陽浦江人

桂枝落兮秋士驚然霏霏兮浙雨聲吳淞波兮江楓青孤

鶴唳兮寒露凝思同歲兮誼鹿鳴借渡落兮不成名生願

頤兮劬泉壤留頑璞兮孰心賞賦寡婦兮空幃響求遺書

兮宿艸長桂枝空兮增悒悒梅孝廉春松 江華亭人

桂枝落兮歲華歇老冉冉兮增白髮驚頽枕兮卷庭樾窺

廣除兮空素月澹吟魂兮孤山岑曩籍甚兮遊京闕何流

落兮鬼揶揄歌谷風兮怨棄予氣殫殫兮跼路隅顧窮交

兮心不渝嗚呼桂枝摧兮豈再考倪秀才稻孫 餘杭錢塘人

未報分符被左遷却緣任劇得平鐫人情哆口疵文雅吏

道驚心忌獨賢三徑無資巾漉酒萬家有祝社鳴弦不妨

數慢哦松樹我飽齋鹽尙曠年相有氣亦去 郊野 齋 齋

未覺病目遣悶慈習水 算正 計 財 不 畏 一 字 俗 毀 難 古 齋

未覺頭風眩，祇愁腎水乾。五行俱下易，一字欲過難。古鏡
摩仍暗，空花掃輒搏。非塵偏數昧，有淚亦先酸。減課驚秋
杪，買程憶夜闌。耽書元自苦，廢學若為歡。揮汗陵三伏，呵
冰狎大寒。白頭殘燭對，青眼古人看。睥睨超牛背，侵淫食
馬肝。不調張湛藥，直試杜欽冠。任婦給瓶罄，喚兒誦句刊。
忍余念墨墨，耐俗溺耽耽。雀目欺輕掩，琴心審獨彈。五輪
存日月，美睡是還丹。翻譯名義云：張湛合調補腦藥，安
眠為眼食。

菊花餅

花餅秀色釘盤宜，正使劉郎困咏詩。婪尾又巡新酒釀，武
林
舊事禁中九月點，心小待夜燈遲。橙香先摘瓏纏果，脂印
飲菊酒點菊燈。

分題蹙繡旗，長說撐腰真健在。重陽莫忘會仙時。吳俗二
月二日
喫撐腰餅，四月十日
四日有純陽餅。

蘆花被西浦開池，池水
清涼，蘆花白，日
來。

蒹葭作雪，骨楓林細，熨輕芳。著布衾衣，襍霜融蘇，病骨牀
稜。月上颭秋心，牛衣老我，炎涼閱鴛錦。消人醉夢，尋莫使
洞花幽艸，見一毬清絕，伴孤吟。五燈會元：淨土院雖正冬
不擁爐，荻花作毬，納足其
中，刻數成，戲半交，益吳關直隴，與好絲，好食，好。

戲題盛研樵家鐵瓢

孺子酸嘶破瘦瓢，禹卿若傲古樽匏。與君鐫作長生字，聽
挂西風刮樹梢。觀寫本空，韻在石，藻識念，此，應，詩，

鑽堅未有千金購寫本空將五石藏端念此瓢相寄後與

君試手酌天漿

韋蘇州集釋子良史送春餘中長酒瓢云此瓢今已到

長江萬里圖為李道士作

西陵烽起處半夜落吳關直劃坤輿破終投滄海閒鯨嬉

吞衆水虎怒束崇山指點荆揚域長風獨往還

題杜少陵遺像用喜逢行在所三首韻

景谷千梁伏都江兩道迴風腥近郊血艸壅故宮灰淚眼

雲同暗衰顏酒暫開嗷嗷失羣雁應白日邊來

越權高吟夕梁園爛醉春蓬飄一詩老樗散舊官人圻岸

龍鼉壯危樓燕雀新西山纏殺氣獨立墊烏巾

不是緣詩瘦離秦事事憐金牛咽白水鐵馬棧青天筋力

長鏡裏鬚眉大府前丹青向愁寫憔悴定何年

睡鴨和吳茂才

元胄人材得似無偶遲唼喋睡于于比鄰晝靜研詩艸作

隊春暄副畫圖

書畫彙考吳炳有春池睡鴨圖

短荻波平依岸住垂楊日

轉隔陂呼只愁難脫桓郎手終夜傍俚有鴈奴

籠鵝和吳茂才

志不遠飛毛羽矜妒人輒復伸吭鳴攜歸偏有會稽守寄

載定無陽羨生口畏卞彬疏舊態眼饒劉毅乞先烹哀鴻

梁楚正絕叫雞柵鴨闌猶自爭

題李道士畫

碧芙蓉裏間丹楓只合芒屨著此中老我殘秋無意緒但
攜茶具罷詩筒

連朝霜重朔風收最憶貞居黃茂樓雲顛月梯相對坐自
指病眼玩滄洲

夏家浜

牛宮雞柵兩三家挂壁青蘿日易斜一棹谿風破秋影蜻
蜓顛住水荇花

鴈聲

燈影朦朧動客情枯蒲拆葦戰風聲煖香鴛錦何曾覺一

段荒寒夢不成

寒雲凝響有餘哀更著烽樓笳管催不似睡濃春鳥喚年
年消受郝經來

韋蘇州祠

朱輪暗芳草油幕凝古塵不及開閣日銀紱垂腰新使君
撫流亡朔氣頌青春桑麻蔭鄉聚風雨清海濱臥治無一

事盡還士女醇賦詩答遠岫懷友停蕭晨晝公接方外逋
翁敘州民童牙亦艷美白生立逡巡見長慶集風流一已邈索

莫吳山顰月銜野寺外韋罷蘇州寓居永定精舍云野寺霜露月霜滿洞庭垠

答鄭騎曹青橘絕句云書後欲寄語後來者無忘羞白蘋
題三百顆洞庭須待滿林霜

劉龍洲墓

在崑山縣馬鞍山楊廉夫誌墓

鐵崖片碣崑岡下披腹琅玕此褐夫已仗八公閒艸木正容一枕老菰蘆世間鸞鷲稱風漢泉下狐狸笑腐儒賴有荒倉辛老子斷琴懷抱未全孤

題陳同父上孝宗皇帝書後

堂堂萬古拓心胸天使斯才遇孝宗衣鉢舊時傳老鳳旌麾無日望真龍一男子妄人何有大布衣嗟世不容堪笑

溫州老兄弟

四朝聞見錄亮獄急莫有救者與辛稼軒書云君舉吾兄正則吾弟竟成空言菜魔

語錄正薰醲

葉正則序同父文集云使同父不狀元及第則為天下一狠疾人而已矣予謂同甫終不

第其人其文患不傳乎

竺林庵

古亭黃葉徑僧小屋廬深一閣日銜岫幾家烟出林疏班參梵相隔浦送拏音便是水精域得來時抱琴

江西詩派圖

黃陳那可望韓蘇二祖三宗只一模尚有儒門傳語錄衣

冠事事學髡徒

芻豢羞同苦李爭引人鬼窟道縱橫論詩向不涪翁拜却

笑遺山也世情

自光福至穹窿道院次豁然上人韻寄許鳧舟

一塔指吾去湖光入遠天雲劫羃樵影風葉裊邨烟酒渴

思巖乳詩頑剩鼎鉛且陪茶褐侶不必歎瓠堅
同視樵東蘿豁然無逸坐看山讀書樓次視樵韵

月波風碎瞰南樓已覺遲君一日遊丹竈團蒲容著脚畫
叉柳栗較過頭葉乾時作雪聲打燈暗不知雲氣淨道俗
一家香火社山中老鶴水邊鷗

題李補樵泉聲樹色小影

頻來常溫釣石一出不鑰松扉縹氣空情倚杖練光風色
吹衣嵌巖春草掛綠繞樹雜花借緋想見碧蘿在眼幽人
惜此清暉

題李補樵谿山無盡圖

十日五日王宰一邱一壑興公載酒山陰道上移家雁蕩
雲中斷續水邨孤雨高低石鳴松風誰言營邱惜墨共指
滄江貫虹

京口魏忠壯勝廟

健兒身手捷黃腰宿將軍鋒碎阜鵬玉帳草萋郗鑿壘靈
旗風捲伍胥潮陳雲砂堰塵猶起戰血淮隄鏃未消絕痛
田橫固中客霜笳嗚咽楚魂招

野史亭

無復明燈列翠鬟一川秀色接陰山覃思猶勝玄亭艸作
色應知穢史刪金粉消磨張好好山邱宋奠趙閑閑可堪

崔立碑文在淒絕龍髯不再攀據劉祁歸潛志則遺山有餘憾然一家之言未可懸

僧補拙餉龍眼石蓮

芋香早歲鼻微通齋汁今年腹擬空尚有燒豬待坡老故

羞乞米效盧仝報詩益智來初地說字單思聽此翁王荆公作

字說時以蓮實置案頭時嚼之以運思一日具空齧指至流血一笑敲冰掃風葉豈宜飢

火眩雙瞳

十月晦日醉殘菊

殘月墮林穉霜枝眼尚明翦燈邀瘦影吹雪作秋聲香夢

看冰枕冬心寄酒鐺後時休太息晚好較崢嶸

題陸鼎山閣觀雲圖為吾與僧無逸作

雲去孤烟曳白雲歸落日還丹支筇溪影潘益潑墨山光

范寬米芾畫史范寬晚年用墨太多土石不分古調何容設客漫詩未欲應官

連朝釀雪奇態輸與道人獨看

幸有已公茅屋不須邵子行窩過嶺白雲如待埽門黃葉

無多隱隱風傳梵唄濛濛月挂藤蘿莫教鐵笛吹起常伴

禪心不波

名勝志松江東禪寺蜀僧普好吹鐵笛稱鐵笛禪師

庚辰正月四日雪中懷

窮春盤飮自為客兩日雨聲斷來迹北風折旋添暮寒南

嶺屏嚴聳孤積漏天果撒豆稽灰墜地猶消雲母液窗稜

短檠焰不紅屋角橫枝聚已白曹騰薄酒醺暫時瑟縮老
棉竟此夕漸聞飢鵲噪茅檐似見朝墩送行陌皚皚滿目
急披衣晶晶游心遲命屐玉塵亂簸堆翻林水箸時摧鎗
觸石春收萌兆固花胎宙合端倪揉月魄共誰結友引三
升獨我課書盈一尺埽殘瓦媳婦能煎劉詵桂隱集蕭孚
有以左耳陶瓶對
客煎茶名待晴木上座偕適津水黃黃微動鱗山村墨墨
快媳婦深埋春新篇爛漫俗眼瞠且可高吟叩禪宅

孔中丞擊蛇笏郝伯常云今曲阜祖庭有孔道輔擊
蛇笏殷血猶在以水濯洗則其色如

新濺著

碧衣從事楷木版朝暮鵠立趨州衙云何惡物叨淫祀太

守率屬朝王蛇蛇伏檐帷晴鐵礮齒櫟肥羊舌錫談擊跽
幾將龍簡投祭酒師娘飽餘餒孔公奮袖氣涌山一擊滿
城皆喪膽蜿蜒解散原蠢頑修鱗摧剝巨額癩出手何必
吹毛刀方楞尺二塗朱殷此笏何愧段司農霜鵲勁翮摩
秋風若道牙緋少和氣甘棠正憶羊鼻公祖庭劍履同芳
烈徂徠作銘示衮鉞何人欲碎姦臣頭大笏稜稜馬知節
稷狐社鬼善嚇人請看此笏血猶新

大欺范文正小楷伯夷頌戴表元刻源集宋皇祐三年十
一月在青社所書以遺京西轉

相青坵運使蘇公舜元者也後二百四十年大興李侯戡
得此本于燕及南來守吳乃文正公鄉里即訪公

木餘子孫以

才翁擅草聖不作鸚哥嬌范公換鵝迹正骨故自超晚年
 帥青社鈴閣爐薰飄經綸斲羣議風節森後彫西山有餓
 夫堪懲薄俗澆韓子穆然頌哇聲震雲磬楮墨敦素尚汗
 青最久要亂燹沈百載古香發一朝李戡不自寶先賢遺
 澤遙吳門闢芸室燕市馳星軺雲初自不謹勝軸驚飛爍
 古人有高致作詩顯寂寥東王意羊良公賦
 司馬溫公布衾范忠宣公黔婁足履七尺形獨寢不愧聞
 聲有時擁坐憂天傾公志澹泊無所縈出自機杼貽良朋
 傳家題識留儀型出處京洛飄然行一枚警枕老僕擎范祖

禹記云又以圓木為枕小睡則枕轉而覺乃起讀書君實秀才包裹輕都堂秉筆書

座屏莫言私事言蒼生晚年恐無帖席寧有被何用官青

綾爛奚錦衾笑口盈孫弘設詐公以誠買園讀書招耆英

一窩安樂餘力營弘氏聞見錄先公天津之宅司馬溫公而下集錢買之今宅契司馬溫公戶名

千錢致賻化慳昨細事薄俗皆可懲何論相業輝丹青一

衾瑣瑣斯德馨不獨煤帳傳高平

東坡鐵拄杖

東坡得之閩人柳安期轉奉樂全先生張氏遂世寶焉金太子允恭嘗使鄭子

聘以錢數千緡購於張氏竟不得金亡為西方器之所得以遺耶律文正詳湛然居士集中不知後此又安歸也張雨詩云試問東坡鐵拄杖于今海上未曾還則知杖已流落漠庭矣

鐵龍屈奇七尺長四十五節中含簧東坡得之走上樊口

九曲岡耕牛私釀真空倉撥開瓦礫開雪堂或呼潘郭二
生醉海棠武昌銅劍復一雙此老長物鼠搬薑刺虎鏗蛟
愁力贖劍博頑石杖狼伉以壽睢陽樂全之老張張公臥
虎非孔光欲使橫擔柳栗參十方報詩當挂河洛旁鏗然
爪甲和漁榔烟塵重墮身眇芒惠州儋州崎嶇不得將張
家數世懸空梁有鑿蘭亭賺蕭郎古物不化埋羶鄉人油
熬盡空汴梁包裹納鉢馳龍荒鐵門迤北金山陽湛然居
士得伴強歸駝琴阮排蜀墻笑呼坡仙灑馬房迸火石上
燒黃羊巫間歸隱謀未遑玉泉萬笏松煤香海上流落玄
蛇僵番兒何知拋折槍麥郎將錢留王杖頭山河幾滄桑

襄山翁仲研劍鏦鐵君無恙無時忘

文丞相玉帶生研

端山深閩女媧石五色雲橫玉層碧癡龍潛宮護不得昆
吾瓊華割一尺四十四字丹篆銘相要壽世恢天明紫衣

玉帶加殊錫忠肝古誼披集英惜其盛年對花召

文山全集狀元

授承事郎簽書節度判官廳事至後一科放進士榜

則前一科狀元召入為秘書省正字名曰對花召

浪子稱元老玉堂奮筆何所施直待勤王謀再造

本傳天祥既數

斥援錢若水例致仕時年三十七

諒無翠袖捧纖纖真同盾鼻磨草草此

時間關十二人澹墨酸心灑清昊空坑星散崖山覆土室

歌殘柴市戮流落偶同睎髮翁招魂直上西臺哭一片嵌

岩千古光紫雲縹眇金壺藏不知胡旦春秋製只有魯公
翰墨香嗚呼桑海茫茫寶匣出玉蝓滴淚飽穢筆不如準
勅頑硯含元精碑兀血面呼昭陵客寮再拜玉筍生白虹
氣激魁旁星

新年小樂府雜題

人日坐雨書窗心若寒灰結習難除則姑拈筆墨自娛
新年故事方俗雖殊記憶所及聊爾韻之

宿火爐盆撥新妝鏡匣開箇儂成利市阿那賣癡猷
關門投刺客多已脫籠去街衢播啜逢口語雨忽遽
鷓子刺刺高砲仗轟轟長黃棟論斗買正如斲草羊

羅帕裏青錢投瓊下籌馬郎起勞勞亭羊腸滯殺我
錢樹隆隆長米花剝剝燭路頭來屋中共喫糕元寶
借紅白帽郎能遲五日賀酒炙足薰天何賴復閒坐
宿殺尙留閣鮮蝦已上市下帖會新親阿婆好料理
漁婦空籃歸年糕不得討向年剩春盤乞兒隨處飽
誰家好女兒蘭朶壓雲髻斜領倏回身嗔郎故相顧
製就繡邊鞵元宵來蹋月笑撥芋郎君明是開齋日
急打太平鼓滿街火判燒不如然巨燭銅角鬧元宵
好日店家開沸天三級浪惱儂春夢醒口苦窗不亮

研樵以程君房龍門墨贈行

變化看人十二年蹇驢復冒薊門煙多生鐵硯輕磨却估
定濡豪草太矜

龍香小劑出君家暴富淵材亦足夸若遣禮堂書寫定也
勝醉帖亂塗鴉

太平庵看綠梅留別補拙

晴絲搖曳拂征裘住更無聊出復羞上番遨頭春好在僧
窗相對話清愁

萼綠花前悵別魂暫時杯酒與溫存可知席帽黃塵裏回
首江南舊水邨

疊前韻

吹徹瑤笙紫綺裘孫陀額粉為花羞舊時月色題詩處莫
送香塵惹客愁

翦得水痕破月痕嫣然瓊樹酒徒存阿誰賺得南湖句

元貢

欽為貢性之南湖集序云時會稽王元章善畫梅得其畫者謂無貢南湖詩則不貴重故集中多咏梅詩南湖嘗題云為渠日更插繁花媚遠邨日賦新詩

橫塘留別錢改齋李英白并示邵舉甫同作

春水橫塘生春雲吳岫滿何辭樽酒歡當念別離遠問我
奚以為急衰不容緩流落分所甘富貴時已晚古心照明
燭苦調促哀管新柳未攀亭芳蘭自茂畹出處想無嫌征
塵尚可澣殘月戍燈沈疏鐘客夢短又惜長淮隄中道分

良伴相期招隱詩肯滯翹材館寂寞佇此懷友聲共悵斷
改齋見訪贈詩次韻

月皎盟霽色梅暄洗春寒淨綠漾野艇貞萋抹幽巒笙磬
兩相合雞黍聊可餐道氣充縑玉雅聲肅和鸞亮爾澡身
固示余取友端翛然山澤儀艷若丹青觀大樸慨久散末
路匙所歡五蠹將六蝨叫嗚主敦盤何圖披蓬藿所好殊
鹹酸懷鉛動五噫折麻陳九嘆敢將名世期要懲僞學刊
繁花媚幽獨古寺同追看結隣居畏壘著書號猗玗此志
竟如何白鷺招前灘

次犖甫韻留別

懸知三春別草露滋芳堦不怨于役苦但惜周行離京洛
有貴游捷足爭驅之何賴持方柄久如抵危巖叩心遲暮
歲低首輕薄兒之子勗光彩前修倘在茲架帙無孤籀耕
耒要對持臨分復倚篷琅琅誦新詩桃李媚長衢蘭芷蒙
叢茨去去安足道天星會推移

偕犖甫登北固山

赤烏棟宇佛圖尊北府長刀指海門誰見蕭家多反氣祇
留米老舊題痕戍連下蜀疑城涌浪打中冷狼石蹲點點
晴鷗落帆影可能無意老江邨

又次犖甫韻

一塔劃江影晴雲捧落暉石排千壘没瓜步片帆飛山轉
彎漁艇潮平皺衲衣成名多豎子杯酒欲誰揮

題周保緒畫

泉紳石劍插孱顏肝肺槎牙楮墨間記得舫樓長嘯處漢
津東指大觀山

技是屠龍前進士力如射虎故將軍題詩我亦傷心甚茅
屋荒江隔暮雲

廣陵留別四友詩

并序

庚辰歲計偕北行將訪徐良卿周保緒於廣陵登京口
北固山遇吳仲倫遂同舟渡江共至監運庫康君官舍

晤良卿并識高涼黃子修存修存年甚少器量甚遠讀
其詩知性行淳固慨然志乎著作之林於交友間審所
以待余者可槩焉仲倫良卿保緒並陽羨人三人者所
尚不一然並與余善今又得修存蓋朝市所未易覩
也臨別惘然宿邵伯埭賦詩各一章寄之

吳君良史材被褐老環堵著錄闡前修論文嚴家數陰崖
挺松翠華池輝鷺羽別緒亂穠春孤芳若爲吐

徐子晚逃禪韞德面逾澤挾纊座常溫飲醇醉更適天花
未散巖仙杏難遶宅憐我老無成亟著繞朝策

周郎文武姿冉冉年四十一劒亦莫當干絹何所入翻羨

毛錐功終懷廣厦立老大勸深杯商歌易爲泣
黃生信無雙廣益師友發文辭粲雅琴肝膽高秋月期我
瓊樹枝相思若把渴悲風踐長塗別袂何倉卒

露筋祠

露筋祠下對寒缸斗野亭邊瀉急瀧鷗夢圓時人不寐半
輪殘月過篷窗

柳綿

兜羅散向艷陽天風拍闌干過幾眠纔唾繡絨輕着雨故
黏碧草煖生煙長亭冒絮人應脫別苑游絲爾莫牽試問
袂衣堪貯否小蠻腰細欲多憐

高郵舟中

百里平津堰中堤急挽篙風便爨烟入日落戍樓高小睡
聲多警孤行眼最勞陂湖三十里水寨足逋逃

寶應喬石林別業池館已荒見杏花一株悵然

板橋流水繞門闌觴詠風流共宰官

葉已畦知寶應縣

若遣垂楊

映修竹女牆便作遠山看

新歸社燕語簷牙一樹穠英漸褪霞便嫁東風莫惆悵情
知不是曲江花

題張老蘊湖上春遊圖

一船兩槳撥晴光蕩入湖心水氣涼吹散吳公臺下夢暖

風斜日舞垂楊

江湖載酒狎鷗盟
略要荒涼感性情
划到平山休急轉
蜀岡落日滿帆明

歸舟有感示良卿保緒

兩旬愁水又愁風
幾誤聞燈護玉蟲
多謝友朋為挽轂
可憐歲月易飄蓬
戴筐空望斗牛野
磨蝎已衝奴僕宮
一笑翻勝蕭穎士
折除此事不應窮

陵口

小市停蝦菜
排愁只獨吟
黃花含雨淡
紫燕絮春深
瀆口漁舟攔岡頭
石獸沈可憐
王敬則慟哭
愧初心

呂城

宋將會麀血
吳蒙此建瓴
風前杏花
落雨裏柳條
青暗浪分
包港平坡入
凌亭蘭陵酒
微醉客夢自
忪惺

九里獨酌入三河口訪李申者

小試牛塘酒
微醺九里舟
帆從風利飽
山為雨濃愁
市近豬聲急
邨虛鴨浪浮
三山今夜宿
清夢狎輕鷗

自三河口抵吳門宿橫塘招錢改齋夜話至曉別去

大風阻橫浜寄改齋

旦發三河口
莫入楓橋市
橫塘燈火明
叩門持片紙
故人喜我來
攜酒短篷底
共抒一寸心
逆愁五千里

余將遊廣州榜

歌徹夜清曉夢逐烟水長風忽怒號高浪遂惡抵撐塘入
斷港掀撞猶震耳咫尺竟滯留社櫟陰可指遲速難預期
吾生任行止晴光碎虛空南山正愁昧

踏青詞

晝長蝴蝶滿院飛陌頭碧毯鋪春暉繡得弓鞋不輕着今
朝并試嫁時衣柳烟欲鬥雙眉小紅雨褰裙風輒掃玉鈎
不惜兜香塵愛踏行人去邊草燕子銜泥入舊窠向來新
婦今阿婆芳草易衰花易落繡鞋珍重幾回着

和周保緒常副將軍折槍歌

常開平槍于
鄱陽湖得之

將軍發迹牛渚磯銅頭鐵額摧童麋手中丈八寒骨白神

州一掃窮朔陞鞋山合圍戰鼓竭沔陽漁子氣咆勃萬人
呼號玉蝀光膽落江神掀貝闕妖星雨急罌子口虎魄墮
地羣狼走將軍呼酒解襦襜大羽腰間猶剩否黑蛇掘斷
波心擲千歲老蛟吞不得魚蠻骨網半段強齒齒濤痕前
血色周郎寓目快作歌泥沙敲蹙三摩抄淬鍊一朝鍾鼎
出壯士從此挽天河君不見秦武衛殿庭肆設珣戈貴又
不見王彥章廬陵嗟歎記鐵槍男兒所遭亦間闊金錫躍
冶誠不祥周郎武庫艱一試剛斲遂循土花翠揭來麟閣
自賞詩拈弄毛錐愈有味聊看退筆滿牆根亦似將軍折
槍棄

春遊戲贈李申耆吳山子

渚風澹澹嶺雲長綠野無花別有香天與穠春作詩料不
宜草草答晴光
雨絲吹入綠痕多日脚徒將翠靄和佳客莫嫌詩思涸嬌
鶯隨處是笙歌

吳中文丞相祠

玉帳前時建節堂綵旄此地近神鄉紅羊劫短驅南檄白
鴈聲高趣北裝一死三年心計久孤臣四海涕痕長留生
委質陳生竄柴市身亡宋始亡

廣陵盧棟

以漆沙硯見遺
硯式有數十種往時金農所圖也乞余者日大吉長

春

廣陵髹素重香姜未許陶材擅武昌

獨醒雜志今人製陶硯惟武昌萬道人所

製以為極精

枉費白袍磨鐵厚最便紅袖擘箋長毛錐襄樣施

新巧鉛槧吳儂迓吉祥湔洗顏家舊生活申屠妙手補文

房

四朝聞見錄京師顏家巷髹器物不堅實故至今謂之顏子生活

張子貞山水

當鮪上市棟風輕苔徑無人鶴罷翎誰向江邨閉茅屋柳
塘微綠遠山青

波蹙雲舒自有神兔毛假褐豈如真老蘊不與蘊芽辣可
奈東塗西抹人

京東盧葵生山水

桂巖絕筆乞葵生攜畫來尋鷗鷺盟道是江南山色好布帆回首闔閭城

間闔春光亦可憐要君粉本門芳鮮遲將梅子黃時雨輕灑吳頭楚尾船

贈薛四

昔余年鼎盛倦學中稍輟嬰遨高陽徒俛而訾高樞固知烏集交初驩後必咄恬然薛肇明持面未嘗艱我吟爾復歛歲久情逾暱洎余耽著書埽迹謝城闕稷稷列葉拱勤勤講綿蕪弊人不可度來渴去如熱是非迭相笑同異吹

一咲子復常欵門忘言至日朕屈指同隊魚歌哭半存沒與爾俱乙未雌雄器何別我猶風波民出沒隨齊汨學成奈薄相所向皆杞桎飾智以驚愚文字為妖孽驛馬羨耕牛水草便飲齧我其陳人歟黃土新輩捏子無致窮具解弢逃天罰又守老氏寶靈臺謚不搨子顏如渥丹我衰牙齒缺萑葦性根荒梁棗心芽絕幸自收慢幢內人無所矚舊友老彌敦題詩當記蒞

幼學堂詩稿卷十四

吳縣沈欽韓文起

初夏雨中過竺林庵仍前韻與錢改齋邵犖甫許弱庵作

啟牖搏風急緣村散雨深麥黃秋上隴僧白夏安林鳥毳

黏新穎蟲泥破寂音留詩便有例好撰伯牙琴鄧牧集名伯牙琴

小閣納山少雲窩猶自深稚桑間上簇雛羽健穿林徑冷

苔知意牆高竹遞音向誰心貌古多負斷紋琴

吾與庵瓶中芍藥從摠持林乞得

嬌紅姹紫百忙過珍重軍持摘錦窠空際五雲擎善慧定

中一雨散維摩羞當鏡檻行行映剩著藍衫踏踏歌自笑

寒酸一詩老待來壻汝已蹉跎孟郊詩芍藥誰為壻人人不敢來惟應待詩老日日

殷勤

蕨已舒拳豆起沙揔持林拘欲殘花更誰濃笑睇雙頰竟

此微香鬧午衙春夢如雲隨大殿遠情流水送無涯天風

吹了空諸相莫道秦郎是作家秦淮海詩有情芍藥含春淚

書元祐黨人碑

宋史徽宗紀崇寧元年九月己亥籍元祐及元符末宰相文彥博等侍從

蘇軾等餘官秦觀等內臣張士良等武臣王獻可等凡百有二十人御書刻石端禮門三年六月戊

午詔重定元祐元符黨人及上書邪等者合為一籍通三百九人刻石朝堂今所存者乃南宋所翻

三百九人之本有饒沈二本畢沅續通鑑考異云初本首文彥博後本首司馬光

陰山炎海禍相因屈指穉郎首禍人不待銅駝荆棘裏一

孟麥飯哭宣仁

胡越一家猶有故薰蕕同器却何緣後來蔡京自快私讐故章惇曾布李清臣

張商英楊畏黃履之徒列焉羣兒自有姦臣傳在費安民一例鑄

黃門夜半碎哥舒遺臭流芳不屬渠一百三人重勘會紹興

間張綱看詳初本九十八人除王珪不合在籍自餘九十七人多是名德之臣其餘更有上官均岑象求餘官江公

望范柔中孫諤鄧考甫等六人名德亦顯然可見共計一百三人依得累降推恩指揮許子孫陳乞恩例蓋公論以

不與其間老姦猶恨未刪除聞見後錄嘗問趙丞相元鎮

為憾矣靖康初與范文正司馬文正同追贈天下已非之

公身任邪正之辨既未能追改更謚以文忠是與蔡公齊

等也可乎

潞公後死有餘榮端禮門邊冠大名學究祇循兔園策輕

將一字易新城新城王尚書題文潞公云姓名留冠

黨人碑歸愚宗伯改冠字為重字

狗頸不繫禍當然五十餘人一網連三女重刊元祐黨滿

潮新數紹興年更誰國老承湯鼎可患儒生賣藥綿彈指

頭顱行萬里也教醜繆快黃泉伐金議起追封鄂王追奪

秦檜此公論也促胄誅并

檜牽復其時儒臣可羞矣

羅大經鶴林玉露亦云然

周穆王

鞭山架海轉頭空費盡鮑魚豹尾中終是周家明德遠瑤

池晏罷返祇宮

隋文帝

家客居然社稷臣獨孤誤我一酸辛可憐地厚天高曲吹

盡楊花滿院春

唐宣宗

門生天子玩逡巡不使前星耀玉宸儘有裴休賜無畏官

家生怕作閒人

宋太祖

先生論語幾行誇老嫗金滕一念差杜后之意不過欲貴

兩兒如北齊婁后之

耳見倉卒斧聲搖燭影又將母子累官家

效張籍和番公主按憲宗女太和公主長慶元年下嫁回鶻

花門百兩簇明駝一離璇宮振玉珂蕃婦北來皆白帽陰
山南下是黃河落鵬應作如皋笑騙馬難為出塞歌歸去
好將興慶慰使臣莫道涕痕多舊唐書迴紇傳送使胡証
等將歸可敦宴之帳中留
連號啼者竟日又按舊
書許昏出自憲宗也
報功奕葉締新婚萬國歡心先帝恩好護風塵留玉貌終
違宮闕愴慈魂隨身尙食庖難共稱意宮娥閣自溫聞道
毗伽重天妹早修金屋貯可敦

牧牛亭秦檜葬處

佳士能忘嘗膽哀姦人終設毒心來紅巾死結明皇戀藍
面生逢盧杞災氣望秦城天座逼呂愿中帥桂林獻
秦城王氣詩于檜星當

楚分鬼門催東窓塵暗妖眸閃虺穴榛叢剩骨堆偃曝談
秦檜眼
有夜
光

次韻吳荀鶴四十自勵詩四首

讀書著手始知愁正似良田望有秋好句風來如合響妄
心雨過不生漚水嫌尺漕聊停舫脚試初桃好上樓四十
頭顱未衰白翠眉有婦慰高柔

菱腰芡觜晚風愁菊腦葵心老圃秋雨苦芥孫堪搗辣麴
神酒子正拋漚嬌兒伴讀開家塾佳客聯吟倚市樓我較
老蒼端易醉新涼為拂簟紋柔

誰信安期始欲愁王承字
安期脩然逸興却宜秋黃間肯志空

虛的紫磨難參破壞漚覓句經旬幾入甕閱人一笑獨登樓興來共泛浮梅檻黃葉漫山屐齒柔

卅九龍鍾古所愁

白詩行年三十九歲暮日斜時蘇詩亦云龍鍾三十九

不妨爽氣

領新秋儒冠但押租牛券達屨方蹤釣鼈漚祗有孫晨常

閉戶肯教許汜暫升樓十年此事堪交代技到穿楊手自

柔

用前韻自遣

寧將有限博長愁况是中年易感秋一蟻蹒跚歸戴粒數

魚喙噉出吹漚漫吟詩僅留僧舍別調文難入選樓俗客

不來來亦拒獨循嘉樹散風柔

不擬張衡賦遠愁詩情廩廩已先秋回腸一穗熏爐篆爆

影雙瞳茗椀漚早定少游乘下澤更輸貞白處重樓清宵

欲倩吟蟲伴自乞瓜秧牽蔓柔

責子陶潛那免愁硯田攻苦百無秋未施烏雀虛今會却

顧妻孥厭此漚風細蒲盧暗闕管星飛熠燿巧乘樓一錢

不得文章益枉被蘧蔭效口柔

如意人原不解愁寸心一葉獨知秋苔紋剩絆天牛跡萍

背常飭水馬漚鬼趣時來空地獄儒林日蹙保城樓著書

苦壓巾箱破直恐今無王益柔

豁然禪房石留花

竹新時墮粉梅肥堪蓄鹽蒲褐寂如水一鉢香繞簾阿措
闐然入嬌紅覩窓檐離明鍊色正碧衣舞絳襜噉噉烘烏
非艷艷矜涼蟾詩眼驚暫明禪心了無霑袈裟若補綻碎
絨鋪手織軍持端耐久蠟蒂咒力鈴誰謂女兒花法雨含
森嚴調語索公笑妙義煩相拈野柴煮茗舌本能迴甜
董生

揚雄

符命誰能讓後生頭毛答颯不公卿富人却有錢千萬枉

費心思媚宰衡

桓譚

本無碩學繼揚雄剩播淫聲累宋公天帝除書渾忘却也
應讀讖贊皇風

蔡邕

幾將忠孝快凶頑跼踖餘生江海間更作吳中三歲計定
能漢史副名山

和許弱菴石湖邨居十首

未欲博高名邨居遂性情僧夸宜覓舉妻悵不治生束帶
偶邀社訪書纔入城門前一竿竹嫋嫋送哦聲

水村聊作市茅屋強名齋鳥歷隨移戶蟲書揀過街縣官
忘姓僻鄰叟記詩佳蝦菜來溪上時興弔古懷
閒向桑陰坐莊家倚共談蟻喧收縊女螻老抱宜男古貌
頑徒笑虛襟好友諳冷淘呼婦具野菜擇都籃
微醺賒墅務一飽煮罾鮮蟲墅多酒務而甚醺
碎魚俗號爲罾鮮窺樹藤花
絡行苦鞭笞穿知非迫往事思誤理陳編孰向柴門叩青
苗會掠錢

柳岸經垂釣松棚趁納涼迂花蘇細雨柞草散斜陽地僻
衣冠褚身慵禮樂荒新詩早料理折簡下橫塘
不省俗間語暫聞顏發紅坐忘松際月吟遠柳邊風烏榜

迎齊女青帘導郭公今年較洒落洗脚向垂虹
楓癭麾如意松樛踞養和都凡標士氣遮莫闕書訛笨麴
黃衣罨新秧白背摩先生間望雨龍陣范邨過
楞伽山下路演步好風披捕律閑孳母官書跳活師汲詩
心井渫閱史觀去聲臺奇乍可陪僧話生員盡白癡

萬類各蠢蠢魁然誰我徒撲燈微慍底罾網久支吾善處
雞蟲便難祛鵲蚌愚殺機休自動浮世忍須臾

身退言空立兒頑業不分今茲得佳士異日張孤軍汐社
期常集盃湖約共醺和詩聊發粲雌霓敢稱文

虛飄飄三首

虛飄飄野馬窺珠箔晴虹駕綵橋梨雲圍漠漠香篆散條
條枝辭霜葉投驚浪綫斷風箏下碧霄虛飄飄比人心志
猶堅牢

虛飄飄聚芮懸相確遊絲接作橋燈殘幾晃影絮亂不知
條乍晴宿霧能縈薄將曉明河尙曳霄虛飄飄比人蹤跡
猶堅牢

虛飄飄神君來繡帳羽士化金橋空樂心爲籟狂花眼結
條隨風斷梗觀滄海汎斗浮槎謁紫霄虛飄飄比人作事
猶堅牢

書浯溪中興碑

豬龍不肯爲虺推子孫遺以滔天災崖公郎當蜀郡去大
枓顧盼靈武來重繫人心權大位勃然幽谷驚春雷可憐
赤手搏鯨虎何辭白地披蒿萊朔方良將旗鼓建潁陽仙
客樽俎陪二三豪傑勤締造風帆萬斛資高桅范陽不搗
長算失興慶亟侍歡顏開逆節四隅毒螫視生靈萬里瘡
瘼哀中興小腆僅若此少康光武何難哉臣結自詭老文
學李斯追步磨山隈其詞抑塞良有以神州一覘埋黃埃
萃于發詔埽洛社阿瞞辟穀游昆臺家奴燎火獸比角元
勲失水魚穿顛山人偃臥甘一壑顛官望拜塵三槐時惟
上元頌朔再大業不竟私歎欵厲精斥讒圖內治殷憂啟

聖求良材聊寓斯文備諷誦度幾赫怒天明恢處高聽卑
終無效心肝斑駁藏莓苔春陵鬼門摩老眼河清難俟蒿
里催終樹醜黨盤妖穴誰貪邊功蓄禍胎平原舊守尤坎
坷兵間終始擠姦回

六月六日偶書

盤薄空齋挂葛衫沙糖麥麩半甌攪浴狶反側籩籛席曝
蠹縱橫榆櫨函尙憶剗兒神禹誕難消割肉細君饒癩聲
得意鳴蜻蛚好鳥無嫌自欲緘

題錢改齋塔影樓次東坡韻

萬卷專城勝作州洛生端不效俳優雖無松菊招二仲幸

有齋鹽傲五侯塔正書空排鴈字荻斜應節送漁詭署銜
花鳥詞頭降合律文章樂句搜矯氏醫方探架得索郎釀

法挈鴟求日長甕響高連屋風疾窰烟遠羃洲二句皆橫塘本色

過硯蠅狐超亂帙點波魚虎掠扁舟頻來耘老浮暉閣莫
認休文玄暢樓摹帖乞兒雞距筆看山淨客兔毛甌治經

賣筍家祧董伸紙題糕膽滿劉遶髮吟聲撩白鳥插瓶花
氣引青牛誰知笨伯磨刀背久向深山覓鑿頭一日推余

先賈勇千秋期爾共分憂選仙初步難違格得果餘生暫
入流布席欣看三士並張帆亟約五湖遊清狂且續吳中

話煩熱聊尋越下麻皮陸走章真對奕羊何索和似行酬

留皮隱霧功名際曳尾檣牀歲月悠癡卧勝將粉本玩悲

歌膾吐瑞光留

明史癡翁建樓題曰卧癡楊君謙為作記又劉草總欲構樓無力沈石田為作神樓

圖元高則誠寓櫟社沈氏樓作琵琶記清夜蠟炬二枝光忽交合因名瑞光樓

長鬚雙鯉休辭數

木瀆航船可代郵

後漢書楊震傳震諸子代郵行書

憂旱

惡風為雨障吹雲擲陰山乖龍遂嬾性抱珠眠灣濶炎官

赫老火熱燄炸石頑酸癩劇鶴膝了無一日間老農訟風

伯職汝膏澤慳賈人黠于鬼百物騰市闌到豬靈場走殺

雞野饑還豬雞不辭罄何者償其艱願我牀牀漏令汝開

駢顏無田望歲穰意豈升斗間

木即吳中插秧歌

雨毛邊出稻針長催着翻田好種秧魚嘯子漫塘水大鳩

呼婦脫布衫涼

拍岸池塘水不渾估牛呵艸上高墩自從夏至分龍後雨

下雲頭只隔郵

一領蓑衣一把鋤東鄉客到插秧初幾經白酒前邨打開

店同來趕肉豬

麥團舂出夾糖葱小點心時喚阿公午菜買條時裏白晚

杭種个老來紅

吳縣志種米有老來紅

若個人家嬾下田不賒生子算寬年分窠學得帮忙好不

會時秧看上邊

蘇蘇采蓴辭四首

并序

賦采蓮采菱者多矣太湖中采蓴亦青裙白足女也余

命諸子繼作以為風土之謠焉

白笋過湖上白魚

方音同呆

青裙挽手折青梅消夏灣頭聞笑

語新孃子共采蓴來

連愛絲絲儂與歡紫釵不展水風寒不知故事何人說但

喫蓴羹莫作官

康熙三十八年 鄒弘志

仁皇帝南巡至東山 種蓴四缸作貢蓴詩以獻因得與

書局敘官山西岳陽縣 知縣時人目為蓴官

休唱姑蘇楊柳枝莫春唱我采蓴詞連筒挑向衙前賣淡

水河豚已過時

郎上長沙去不歸阿那橘瘦阿蓴肥水楊柳外微風起恰

有雙雙野鴨飛

病僧

東薪歸澗晚縫衲趁窓晴鶴去糧餘盃醫來藥剩鐺疎鍾
和響怯古佛亦塵生會憶降魔日枯松咒更榮

古樹

行人繫馬處橫水卧龍形得雨借苔活依山間石青空心
宵出火絕頂晝奔霆甲子忘秦漢叢祠自乞靈

約犂甫改三龍頭山觀荷遷延罷休吳生借泛胥口

以釋此懷蘆葦中裁現紅衣曲江千頃邈然莫覩
齊出大歐陽永叔云人生此事尚難必况欲功名書鼎彝
吾人幾殆如此也用東坡岐亭韻二首

連宵待月吟翻硯餘墨汁生衣狎早涼糝汗未當濕詩情
勝候蟲叩音有新得每念葑山荷零落商飈急一航坐成
阻蹄涔跳土鴨葦間漫延緣自舉麴生羃叢綠競刺天殘
繪曳風赤漣漪舞藻鮮翡翠踏藕白臨淵豈無羨遊魚可
漉饋茶煙破水紋卧聽濕薪泣吾生固有分不貪自無缺
營邱驟雨圖攢眉着此客世有陳道人重編江湖集
饑欲咽旃毛渴欲乞少汁人生苦毒中火迫望煦濕物我

豈殊趣龍長死數得一鬻不宿飽乞命彼所急盛籠竊引
頸每悸呼名鴨相忘江湖中欲去猶懼羃如何魯大夫草
菅般與赤蓬窓倚好風幡幡荷背白頽然古君子一笑掀
絳幘素衣若汜女遠渚含露泣永日垂竿釣欲留恨月缺
觴咏易事爾屈指少佳客豈如選舉輩香香春冬集

懷李申者南海

短李十年雪盈刺無官一身輕有超越嶠山川始壯遊鞭
鸞弄鳳呼瀧吏扁舟喚我機姜潭山鳥山花舞翠嵐醉中
別袂斜橋鼓夢裏跳波在渚帆毅江點鏡玉山朗贛石鉏
牙梅嶺莽每逢佳處開圖經有愜幽尋操拄杖不似揚州

作貴人車中閉置眉不伸羊城天南何日到紅棉花發珠
江濱蓮幕雖無折腰苦意行猶恐門官戶聲叟長兼漫浪
名散人應作江湖主波羅蹴浪浮蛟宮朱鳥銜日扶桑紅
乘潮越女留一笑尉佗臺上鳴秋風聞道羅浮接句曲欲
往相從乏神足溫藉遙浮萬戶春由敖并寫來南錄李翱應廣
帥楊於陵辟 槁梧飯顛渺愁予尺素沉吟向鷓鴣莫忘疎
有來南錄 鍾蒲澗外秋來倘寄荔枝圖

瘦

我不如老聃鼠壤委殘蔬又遜杜拾遺得錢留白魚小鮮
欲致艱龍肉窮鄉弊俗安可居為誰著書自藏楹覓句更

奪驪珠明妻頑子愚百不遂笑口正比黃河清死心欺魄
久忘醜退之偶肥賈島瘦幸無內熱損神明何至中乾憂
故舊偉哉造化遺形骸滓穢已盡清虛來勤積詩書厚自
養眼前犬豕求肥臙北舍癡兒終薄相如我方堪太牢享

納涼立秋前三日

把卷送驕陽汗如炙輒浣王夏晝威專禪秋宵氣挫烏辭
雲獨飛螢揖人俱坐網絲露珠留林罅星盤破燈暈深淺
愁蟲調短長課風輪寄俯仰稊米困春籜慕古推往勤懲
時戒今懦賤貧固其然殘年勉補過
散髮檐宇下窮居喜安便洗空慮共擔佇寂神自全墜葉

穿幽鳥遠林遞亂蟬所存超昔日無與仍徂年知希自覺
貴矜得誰爲賢家風若相問晚涼宜早眠

我無名士風門庭亦蕭颯識字愁期費罷執子雲楹巨源
豈易逢君房原未答呼兒淨掃庭食罷移短榻黑雲卷怒
龍白雨驅怖鴿槁禾幸寬挺新涼并輸納乾浴體試良軟
飽心語盍林颯秋錚錚燈圍宵嗑嗑一酌亦頽然隱几形
神略

貧饌

腐婢擷菽乳芝栲孳木植大耳誇劉公輕肌媿合德筍脯
碧玉織蝦米紅綃色四物盡羅致卅錢勝餘直薪火嫌猛

歠井華殆柔克稍牒菹尚全雜投藪猶特麻油抄匙挾卵
醬澆服匿眊調手自擣刀七何用拭惟慙非力耕此願固
強食幾家富厨簽千味窮物力百金費不貲一飽貪已息
豬肝今罷求蓴羹故分得他年苜蓿盤大耐冷官職

治平寺

不見名花繞曲闌猶聞壞道瀉哀湍蝶情每每含風怯鴉
影頻頻向日寒龕許近隣安木主房嫌生客護皮冠
由不應留得閒家具幾卷殘經尚許看

畢尚書第中園林

綦迹往熏閣畫堂綠垂紅綻渺林塘雨聲竹米筵山脚風

影松花簇水中央除架襪襪多雀甕壞檐幕厯有蜂房幾人
重過西州墅此日真荒陸氏莊

早秋寄慶陽太守盛甫山

三年豸冠未截角衆口寒蟬聳一鷄出麾今爲窮塞主親
舊迢遙顏綽虐丈夫何假銀艾榮老矣寧將名譽博事上
接下劇桔槔爲官爲民難勺藥方灼切此地疇昔當邊衝
奴西羌紛殺掠卧鼓萬里今晏然正煩勸課勤錢縛高材
宦遊薄茲土積慘稍舒人易樂公家三世傳朱輪萬石秦
家安足論兄弟聯翩皆方面要使循良萃一門公今苦貧
厲冰蘖亦勿長行翫歲月舊唐書文宗謂刺史張賈曰聞卿善長行唐博戲之名亦曰握

朔六

南墅藏書飲雨郎何啻還丹換俗骨不啻城邊白艸秋
吳山猶畏火雲流蘆酒傳觴調鴈柱紅鹽孺炙擁駝裘白
鬚何日塵袪摻烏嶺疑天墨圖攢左顧廊延右華池恍慨

功名懷一范

甫山工弦索書畫入妙品故及之

秋夜次孟郊張祜慧聚寺韻寄穹窿李補樵道士

殘暑歸莽蒼琴弦脆繩牀山雲洗空青園露披生香樵歸
遠澗陰蟲語明河光遙知庚申守蝙蝠飛靈場漢江笑當
習靜李抱朴玉池干息吞蘿烟飛澗戶齊樹點山根畫嬾
應熱客符靈乞遠村好攜松樹障時欵杜陵門與報五要

效張祜愛妾換馬二首

潘張愛妾換馬詩貫莊靈賦詞買

肯輸汗血博蛾眉便割柔腸翫逸姿抱帳貫珠歸別院買
鞍噴玉效前墀衣香草軟新調酒醒燈昏錯喚時正要
金鞭織手奉殢人駱馬與楊枝深闌可養樹黑山外畫
乍充華殿悵空閨并送雲翹覓月題別日低鬟難巧笑當
風奮鬣易長嘶封紗剩撫金條脫編將休塵錦障泥緩轡
桃花人面遠烏騅那不惜虞兮

乞巧辭

八世品題又乞巧

金烏玉兔忙奔波若督其後愁鞭撻生靈百竅窮一磨天
孫有功安能加夜夜辛勤銀漢側人烟塞破天門黑百蟲
有口不銜絲乞得金梭何處織誰家少婦焚衙香風吹羅

帶搖明璫癡頑似儂佯好婿巧若天孫當自計

書汪堯峰烈婦周壽英墓表

濁山不放稚泉清何等癡頑蔡旅平三尺紅羅求快死安
亭張女可憐生

姑惡聲酸徹九垓噓枯萬一賴文人西山亦有朱多姐自

把沉寃血面伸

蕭翀蘇州微顯志洞庭朱顯甫女多姐爲
凶人鄭某所逼自經死知者皆不敢言越

四年鄭與其妻並叩
首稱朱多姐而死

寄豁然長老

支砌北望隔斜橋義虎燈光喜未銷木末風聲爲佛事嶺
頭雲氣作仙躋野花錯莫稀初果水稻參差瘦七條夢裏

覺時同與別牙根生澀藉公調

鐵馬

微風起削簇鱗鱗換羽移宮一枕頻隱約默鈴催客夢不知身是倦遊人

次董琴南見懷韻

糧懸惟宿火學久似深根心與空相應今于古足尊雲乘秋逸舉蟲入夜深言莫問潛夫事全家算一邨

高才一囊粟寥落病坊居人面要途異天倫薄宦疎塵心看馬足歸夢撰山書領郡亦何樂疲氓望久如

書晉王李克用北嶽廟題名

醉墨行行舞亂鴉歸鞭陣陣走長蛇時來趙鞅與精甲志屈劉琨吹暮笳三矢壯心歸亞子雙鵬獨眼冠朱耶王郎

竟作夷門虜犢角婁羅號宅家

克用晚年摧沮不能救河中及王珂降于汴河中為

賊所有與京師隔絕薛居正所云伯業由是中否也

和潘丈榕皋初夏遊焦山更用子由和東坡焦山韻

少文老疾懷名山託興只在屏障間那知地行八十叟扶

桑浴日神丹還布帆高揖石公岫鐵杖徑叩焦仙關鼎浮

雲氣貌爭古鶴栖松色神俱閒山紅澗碧迴窈窕茶煙花

雨參縉蠻投鞭尚憶水犀駭揮塵幾息江豚頑老仙未倦

揮宿墨山僧難挽開曉鏡輕鷗前道點明鏡方瞳微睇低

青囊長篇疊韻懾精銳滄洲五嶽輕追攀我昔乘潮開屢
趁丹徒遙望絕巘船未灣年來亂絲裏獨繭久矣寸穎蒙
深菅忽美捧書俞秀老畫圖追映雙鬢斑

和北固山用子由金山韻

坡陀千頃闢兵場細草茸茸埋燿石江風射人強弩未峭
菑橫空界丹碧眼底鞞尖鐵甕城高樓吹角浮雲平天下
一家形勝在浮圖突兀潮頭迎指點淮南看不足愛聽雪
浪齧山麓很石爛腸不着鞭老檜盤根欲掀谷憑闌一試
京口酒夕陽送盡羣鷗宿三山鼎峙挽仙舟筍輿扶老探
巖幽首夏風清綠陰定綺麗飛騰心未竟藏春陽中望公

歸吳山卻訝遊屐稀客子恩恩爭埭去倦眼那知山水趣

贈邵犖甫移家石湖舊業

一病太支離湖濱好避衰躄躄窺井笑倚伏問龜疑書卷
成行戶衣裘付帳司相如徒四壁裝點賴新詩

屈臂妨新枕遮頭識舊茅門徒齋米請里正甲牌鈔近竈
編雞柵安牀向鵲巢不知屠釣裏可有急難交
家常二八菜親信十三神甘醴空延穆長裾肯效淳尊生
須是病難我不過貧齋日聊相比無羶只受辛

破屋數間留菰蘆瑟瑟秋挑燈同鶴警倚杖雜蜻遊瓜向
東陵種詩從北郭酬琴書急安頓我已辦扁舟

潛夫是病夫天鏡割南湖白醉延賓雀青尖沒寇鳧擁

汎句讀訪藥起偏枯尚遜楊通老無兒入畫圖楊朴移家圖細君騎

牛抱兒 試錄先不勝貧富口無味出無靈只受辛

龜堂藏六便免窟聚三何畧感蜘蛛隱寧蘄碩鼠歌呂覽

見桓公扣牛角而疾歌注歌碩鼠也 身潛因樹屋脚免上潮華王荆公詩華鳴海上潮

我欲比隣卜同吟十二窩門去齋米請里五甲

圖書驚照屋村野未能嫺廟祝新符送鄰醫舊話攀地生

龙善吹飯熟鼠先還嬾却陳平手秋來社肉頒

抄書惟左手迎客但長衫貴少營丹竈交稀發信函稻風

承酒旆菰雨落漁帆花艸吳宮下期君把藥鏡

初秋貽友

遮眼文書據槁梧容顏卻稱列仙癯清風盡去祖龍酷佳

日方來司馬都蠲老卷絲黃葉裏蛩驍接尾綠莎呼應知

竹酒鉤空挂慰我頰筐白露酥洞庭山棗之佳者俗呼白露酥蓋白露節方采

真樓真院銀杏樹林

榎柵豫章拔空嵌隱形木客揮斤擗樨傍殿材若山積青

特走死崩天機此材亦當匠石睨大年反蒙樗櫟讒託根

近人轉呵護檐宇得勢超嶄巖構蓼上挺殆百尺當暑嫩

綠蔭蕪蕪巧構鋒殺同鴨掌三載玉楮徒鐫剗日含青葱

鎖匊葉風靡翕呷垂蜚疹秀雅獨無兒女態新班玉筍拖

朝衫頽斲桐芭招扶荔奴隸水松嗤石帆平泉草木少此
品何異百味專取鹹冰蟾漸筵小山桂金鸕遠擲合浦杉
此時離離綴星實彈丸未壘黃口鵠集韻鵠丘咸切鳥啄物也豈知銀

葉重包裹堅滑錯比櫻桃銜宣城所產尤名數歐梅交誼

馳書函廊餐自慣羶根餽解包微粲好手摻頗思寒窓夜

覓句瓦盆灰撥松明杙涎流說餅正淒緊響隨爆栗宜清

饒欲種苦乏三松壽傳奇上元夫人謂封陟日能遺君壽倒三松清陰時譽鬚

眉鑒佳名雖見吳都賦往者價重金奩緘六一居士集和聖俞李侯家鴨

脚子云金奩獻疑梳幸當霜枝分百箇殊勝黃獨攜長饒

白秋海棠

一庭風露倚嬋娟蝶瘦蛩寒兩悄然玉色幾能頽薄怒月

華長自照無眠畫簾小閣窺明鏡羅袂空指委素鈿便遣

生綃和淚寫斷腸心事託黃筌

題姜貞女桂臨姜鶴欄秋山初霽卷

西塞浮鷗地南園落鴈天茶煙高閣裏真羨玉川仙

遺民老共楊元咎裔女清于紀阿男不忘西山采薇客冰

甌滌筆寫晴嵐鶴欄自題云我思高閣裏紗帽是神仙貞女題云縱將一斛遺民淚揮就林泉比采

薇鶴欄姜貞毅從子也中秋始見月六言

病厭文書住理貧邀風月排當庭影浮鼻端自林翻動額

間黃策策漸催老物緜緜只泣愁妝未知明年何處且問
此夕未央

庚辰中秋集辛夷館用前韻

千里清光萬國愁
赦書猶未下中秋
紅香風露新翻綠
碧落星河乍滅漚
倚柱何人悲次室
憑軒此日悵危樓
蛩吟鳴嘯渾無賴
木石心腸爾許柔
高閣裏真美玉
佩此清月仍端正
瀉清愁
弦管無聲作冷秋
今雨一來尋墜緒
全潮重起認浮漚
楞嚴經惟認一浮漚體目為全潮
憂深婺婦傳行路
喜極都人望御樓
寄語三關諸部長
好將忠孝報懷柔
一食菱獨酌數盃
寒雨

常笑歐陽興不淺
枯魚乾蝦傾濁醖
猶呼赤脚小雙鬟
軋軋鳴弦出門限
我今貧薄那望此
墮糝祗愁蟻競縮
撐腸文字如沃焦
漬口沾脣無可揀
天教罰守短燈檠
詫此加

邊洗塵盞齟齬行
輟屈到嗜餛飩
難致顏橋產

咸淳臨安志菱初生

嫩者名沙角硬者名餛飩蘇州菱以顏橋塘出為上

一莞蠹魚寧思飛
食肉北宮不為東
門赧小兒骨寒常苦

飢玉雪居然好
眉眼琅琅誦句代
聲歌拜賜執經當
手版
嗒然委蛻亦開顏
庶幾文章紹編刻

天河

塵塵湔得涕痕多
灌到人間患濁河
終是天孫經嫁了
水

精宮裏悵麻婆

山行題鳧舟畫

稻畦蚱蜢驚飛雨
桑壠寒蛩咽夕陽
貪聽泉聲忘路遠
數椽茅屋倚葵房

集申氏式訓堂題文定公讀書東禪寺詩卷真迹次

元韻

紗籠人物盛巖廊
卻對盤餐詠上方
芸葉一房傳舊澤
桂枝三日有餘香
輕雲冉冉月初墮
落葉聲聲酒易涼
待結

司徒廟

洗卻舊黃閣猶存
香火緣投村有鴉
影罷社少僧煙古
柏雷燒墨疎花露點
鉛兩三間客到黃
蝶亦翩翩

白雲堂 董尚書份丙舍

廣厦雲根起風吹
樵斧聲鳥銜红柿
墮魚帖白蘋明襯
屐松毛厚勾衣棘
刺橫生憐舊翁仲
青鬢點苔成

費家埠

人影忽忽柞稻前
木樨裘壓鬢雲偏
山頭冷作經霜面
花氣濃為釀雨天
金粟綢繆衆香國
玉塵寂寞小梅田
扁舟

載得開盧酒笑指
盈樽三百錢 鳧舟以錢六百買潘家酒兩樽

米堆山五雲洞 崇禎丁丑歲顧天敘開

精宮裏悵麻婆

山行題鳧舟畫

稻畦蚱蜢驚飛雨
桑壠寒蛩咽夕陽
貪聽泉聲忘路遠
數椽茅屋倚葵房

集申氏式訓堂題文定公讀書東禪寺詩卷真迹次

元韻

紗籠人物盛巖廊
卻對盤餐詠上方
芸葉一房傳舊澤
桂枝三日有餘香
輕雲冉冉月初墮
落葉聲聲酒易涼
待結團瓢並西崦
扁舟秋水舞蓉裳

司徒廟

洗卻舊黃閣猶存
香火緣投村有鴉
影罷社少僧煙古
柏雷燒墨疎花露點
鉛兩三閒客到黃
蝶亦翩翩

白雲堂

董尚書份丙舍

廣厦雲根起風吹
樵斧聲鳥銜红柿
墮魚帖白蘋明襯
屐松毛厚勾衣棘
刺橫生憐舊翁仲
青鬢點苔成

費家埠

人影忽忽柞稻前
木樨裘壓鬢雲偏
山頭冷作經霜面
花氣濃為釀雨天
金粟綢繆衆香國
玉塵寂寞小梅田
扁舟載得開盧酒
笑指盈樽三百錢

米堆山五雲洞

崇禎丁丑歲顧天敘開

騰騰醉眼逐飛鳥，軋軋籃輿摩木杪。指揮正爾肅青冥，滿
幅晴雲旗脚繞。披榛得路牆影紅，倚磴開軒嵐氣縹。得閒
宴坐虎頭巖，不用山樓苦登眺。衆峯沓來勢排牆，卻放湖
光卷林表。洞花礪草寂無人，一泓石甕封清醪。淨華簌簌
篩碎金，錯疑飛雨入叢篠。天香萬樹山西灣，正恐詩情被
花惱。多君勝遊時見招，謂鳧舟龜殼半閒我事了。何況畫稿
壓詩囊，力戰窮秋不須挑。

憩玄墓寺山門

門前柏樹子，林外木樨花。企脚一存想，伸眉元有涯。隙風
磨櫛蠹，凝靄漲谿沔。洗盃僧初飯，攜筇客未茶。啼螿猶喋

喋乾鵲，或查查芋卵乾。留管菘羔嫩，發芽樵歸偶。梢藥日
沒尚烘霞，碧蘚濃隨淡。青煙整忽斜，梵高環澗落。峯峭插
屏遮，暝色山邨犬。寒聲墓木鴉，奇礪藤束帶。病葉蠹經紗，
入畫堪隨筆。吟詩莫作家，荒閒光景遠。苦澀性情加，不用
禪房叩香嚴。鼻觀誇

虎山橋晚步至池上草堂

長虹中破雙崦，陰塞空青嶂。敷參參千奩，螺黛埽不足盡。
收縹氣，噓晴嵐。虎山岵嶸欲一逞，呀然渴吻窺澄潭。溪風
皺面不可熨，谷日沈魄何能探。眉間白豪見，初月織痕蠕。
蠕如眠蠶，狂朋浩歌轉山脚。穀寮蟹舍參兩三，蓴蓼待人

竹柏影居士合榜雙林庵烏犍高卧雀驚起紙窓窸窣雲
圍龕籬根菊蕊鮮方坼只消半月迎霜酣衆峯黯然吳王
墨一星燈火名橋南颼颼林響吹短髮空園露下香醃醃
山中木樨辭
今年寒露樹頭齊香入梅檀林下迷共挽青裙撮花去新
粳炊飯餉山西

黃金何啻滿籬量挑出山前一路香多謝天公老晴色早
收頭番到行場
銀釵滿插未空回蝴蝶黃黃金粟堆不似梅花惹風雪鯉
山誰看木樨來

連舩催載費家河三日工夫萬斛多偏是好風傳笑語深
林門唱采茶歌

草草妝梳作米歸滿身清露濕棉衣爲郎穿作金條脫不
信人間珠翠圍

次犖甫九日見招韻

病梨賦後首頻搔叢桂歌殘日更蒿藥裏添君三月崇座
頭推我十人豪憶從香水分菰糗笑對吳山勸菊餠彈指
西風授衣假故人若個念綈袍

西風烈文野姑人昔圖念蘇蘇

風掃千八象掛雲香水衣蔬對笑樓吳山嶺餘絲似計

亦樂難翁首此繼業林苑幾日更蒿藥裏悉昏三日


太華西風日日說歸

八開日

金刺銀不

風對笑

蘇蘇



卷之四